



~~68289~~ Uc 4152

Bayerische Staatsbibliothek

München 2 NO, den
Ludwigstraße 23

11. MAI 1938

An

Die

Preuss. Akad.

Bibliothek


in

Berlin

senden wir Ihnen am hierher geliehene

Werk n. (30 Bde.) mit bestem Dank zurück. Wir ersuchen,
Handschrift

den ausgestellten Empfangsschein zu vernichten.
~~uns zurückzustellen.~~



2 block: Mc 4452

1. Consilium de pace
id est responsum

2. Aphorismi Doctrinae Jesuitarum

3. Cyriacus Thraupmachus.

4. Instrumentum pacis Oliv.

5. Nachschlag zu Königl.

6. Dyrniben sel Königl. von Preußen

152
CONSILIVM
DE RECUPERAN-
DA ET IN POSTERVM
STABILIENTA PACE
Regni Poloniae.

IN QVO DEMONSTRATVR
PACEM NEC CON-
stitui nec stabiliri posse,
quamdiu Jesuitæ in
Polonia mancant.

*Ad Illustres Regni Polonia Procures Con-
versum ex Polonico in Latinum.*



ANNO CHRISTI M. DC. VII.
IMPRESSVM.



Ms 1044233



E DIOGENE ILLO CYNICO GRÆ-
ca Historia narrat, Eum, cum aliquando Athe-
nienses videret in publico periculo sollicitè concur-
rere, bellumq; pro patriæ defensione non citra ani-
morum perturbationem moliri, ne in publica illa sollicitudine
solus nihil ageret, cum armis tractandis per senectutem etiam
minus habilis esset, dolium, in quo ex instituti sui more habitare
consueverat, sursum deorsum volvere cepisse.

Hoc factum, ut insolens, cum varij variè interpretaren-
tur, prudentiores judicabant, Virum acutissimum hac ratione
docere voluisse: in publico patriæ periculo nullum ingenium
civem ociosum aut securum esse oportere, cum potius singuli ita
se comparare debeant, ut, si opere non possint, gestibus saltem,
aut quacunq; re licet, suum in Patriam propensum affectum,
juvandaq; Reipublicæ studium declararent.

Quod saluberrimi præcepti exemplum utinam hodie popu-
lares nostri imitandum sibi proponerent: Non quidem in eum
finem, ut sua concursatione exorientes tumultus angeant, ole-
oq; ardenti frigidam suffundant: Sed ut pro sua potius quisque
virili annuat, quo præsens Patriæ incendium, cujus gliscē-
tes favillæ jam nimis diu et satis oscitanter neglectæ sunt, latif-
simè jam vagans restinguatur, pacatisq; animis Reipub. tan-
dem firma & solida pax restituatur.

Neq; sanè dubito, quin talium ubicunq; plurimi sint, qui
Reipub. nec hîc nec alibi defuturi essent, si tantum haberent,
qui in tanta rerum & animorum dissidentium confusione fide-
liter indicarent, quid facto potissimum opus esset. Ego igi-

28
tur, qui corpore hactenus per *DEI* voluntatem, quàm minimum valeo, ut ea saltem mei parte, quæ adhuc mediocriter viget, Reipub. præsto sim, hunc ipsum laborem in me recipere decrevi: non quod ad id ego omnium maxime idoneus sim, sed quod aliud in præsentia efficacius auxilium Patriæ præstare nequeam.

Itaq; hoc scripto demonstrare conabor, quæ in hoc publico incendio potissima & omnium periculosissima flamma vorantis materia sit, & qua ratione illa igni depascenti subtrahi, sedatisq; animis factionum dissidentium astus imminui & paulatim extingui possit. Nec video quibus in rebus, quove consilio Civi bonus hoc tempore operam cogitationesq; suas salubrius & utilius consumere queat.

In hac autem commentatione vos potissimum Illustrissimi Proceres compellare decrevi, Et hoc iterum non propterea, quod in argumento tam arduo & difficili, tantaq; insuper invidiæ exposto, aliquid vestro iudicio dignum me asserere posse confidam: Sed quod ad vos vestrum officium (dummodò in eodem Reipub. bene consulere volueritis) revocare, omniumq; bonorum et Reip. tranquillitatis studiosorum civium desideria, earundem rerum seriam curam vobis imponere videantur. Plenus autem spei sum, futurum, ut si forte non omnia mea vobis proba vero, aliquid saltem ex hoc quisquiliarum acervo granorum colligatis: Aut si ne hoc quidem assequi potuero, vos saltem ex errore meo meliorum saniorumq; consiliorum occasionem arripiatis. Vt cumq; autem res cadet, mihi sufficiet, si vel inane dolum versando Reip. in rebus tam arduis, si non operam, affectum saltem meum probem & testatum faciam.

Hic autem si ordine velim procedere, necessario aliquid primum de ipso morbo, quo Respublica nostra laborat. Deinde de eius causis erit dicendum. In harum enim diligenti rerum investi-

32
investigatione certaq; cognitione, eruditiores Medici primum ad restituendam sanitatem gradum non abs re constituent.

Et quod ad morbum attinet, res subtili inquisitione minime indiget, sub hoc utiq; rerum statu: majoris tamen perspicuitatis gratia, mali nostri publici universum complexum ad tria capita refero: sub quorum primo comprehendo periculosam illam dissidentiam, quæ inter subditos hujus Regni et supremum nostrum Magistratum intercedit. Secundum in illo dissidio agnosco, quod inter Status, quos vocant, hoc est inter ordinem Ecclesiasticum & civilem seu Equestrem in hoc Regno gliscit, Patriæ jam diu insigne aliquod malum minitatur. Sub tertio illud inusitatum inter Polonos factionum studium intelligo, quo Ordo Equester hoc præcipue tempore ita graviter laborat, ut ad efficax aliquod remedium malis publicis adhibendum, nec virium satis, nec sufficientem auctoritatem habeat. Quæ patriæ nostræ pestis, à paucis annis eò usq; exerevit, ut extincto generoso fraternitatis Polonica candore, alter alteri suspectus esse incipiat, ut nulla ferè amplius sermonis, nedum consiliorum libera nobis communicatio reliqua sit.

Hæc inquam tria nos premunt; Poloniaq; ut rebus aliter prospiciatur, gravissimè minitantur; Vt quorum ea sit ratio, ut unum aliquod illorum ad maximum Imperium evertendum sufficere queat. Quod omen *DEUS* Opt. Max. prohibeat & à nobis clementer avertat.

Ad causas vero istorum malorum quod attinet, res in hoc publico dissidio & mutua partium incusatione infinitis ferè difficultatibus implicata est, ut vix quisquam eam ex suo sensu decidere ausit aut definire.

Quid enim hodie majori contentionis nixu inter nos agitur, quàm ut alter in alterum turbata Reipubl. culpam transferre conetur? Vbi tamen in eo ferè utrobique peccatur, ut mor-

4
bus ipse morbove symptomata saepius pro eiusdem causis arripiantur: ut quia verbi gratia præcipuam doloris vim circa caput sentimus, ibidem & principalem morbi causam latere existimemus, ut hoc solum & immediatè velimus curari. Non aliter quam si in ardente Causone aliquis egroto cranium perforare, æstuentesq; vapores emittere vellet: Cum si peritis Medicis auscultarem de fonte nobis potius cogitandum esset, ex quo hæc injuriosa capitis gravedo scaturit & exhalat.

Nec in eo parum situm est, cum hic error qui in causarum indagatione committitur in omnibus disciplinis latissimè grassetur: in Politia tamen rerumq; Politicarum tractatione longè frequentissimè occurrit, & ibidem multò quàm alibi periculosior est, ut qui in publicam salutem peccet, & sic omnium & singulorum res & fortunas secum involvat.

Mihi ergo ne idem accidat, omiſſis illis dissidentium mutuis accusationibus, quarum ego Iudex esse nec possum, nec volo, generales causas persequar, indicaturus, qua ratione illa, si non tolli, minui saltem & sensim mitigari queant.

Causæ verò vel internæ sunt vel externæ. Internas voco quæ ex ipsius corporis Polonici fatali Catheria exortæ sunt, proximamq; morbo materiam suppeditant, eundemq; fovent & nutriunt. Externæ mihi sunt, quæ materiam hanc peccantem & ad morbosum habitum dispositam movent, proritant, impellunt & exasperant.

Ad internas præter illa privatorum peccata, quibus Dei ira quasi ordinario provocatur, quæ propterea omnibus à condito mundo Rebuspub. exitium attulerunt, & quibus Polonia nostra hodiè, probo dolor, saltem non obruitur, in specie refero Religionis illud dissidium & factiones, quarum occasionem turbulenta & ambitiosa ingenia ex eadem causa arripiunt; Rei insuper familiaris avarum studium, publicæ verò supinum neglectum.

Veri-

54
Veritatis odium & periculum; hypochryſeos verò assentatoriq; adulationis studium & favorem: Iusticiæ depravationem, Injusticiæ verò pallicationem.

Fortitudinem domi militiq; in odium & suspicionem vocatam, degenerem verò ignaviam cultam promotamq; ; Ambitionem sine meritis, Ignaviam sine virtutis amulatione; Innocentes oppressos, sceleratos defensos; Imbellem Innocentiam periclitantem, præferocem opibusq; suffultam; improbitatem palam dominantem; virtutem deniq; neglectam, hypochrysin præmiis ornatam.

Hæc & his similia alia Corporis Polonica vicia seu potius feda ulcera sunt; talia nimirum quibus regna circa suas fatales periodos ut plurimum obnoxia esse consueverunt. Ad quæ sananda nobis certiore, quàm qualem humana ratio præstare queat ope opus videtur. Quæ enim tam longo temporis tractu inter nos ita invaluerunt, ut actis altissimis radicibus in ipsius Regni habitum jam quasi conversa sint, non video qua ratione hoc exulcerato seculo, paullo acrius circa ægroti periculum moveri queant, nedum ut illa subito eradicari posse confidam, ut multorum haud dubiè inconsulta patientia optat. Ideoq; circa hoc genus causarum ita nobis procedendum existimo, ut cohibitis prius & amotis externis & irritantibus causis, illarum fervidorem motum primum utcunq; sistamus, & deinceps per temporis successum (quo huiusmodi Chronici morbi magis quàm medicamentorum violenta operatione curantur) materiam hæc peccantem subtractione, alteratione, digestionem &c. edomemus: Sic statuentes nobis in magna felicitatis parte reponendum, si DEI beneficio nobis contingat, ut navim nostram sub hac fatali Europæ tempestate ita gubernare possimus, ut scopulos ad quos pleriq; hætenus ante oculos nostros gravissimè impeerunt, vel cum jactura aliqua evitemus.

Ad has

Ad has ergo externas causas quod attinet, quarum sunt hæc illæ ipsæ, quæ hæcenus in reliquis Europæ regnis eandem tempestatem excitarunt, cujus fremitum jam ab aliquot annis inter nos non citra horrorem animadvertimus: Quarum impetus à meridie & occidente per contigua Europæ progrediens, nostrum hunc Septentrionalem ortum, ceu turbo quidam videtur invadere. Vbi tamen DEI Opt. Max. Clementia Poloniæ hoc præ aliis Europæ nationibus benignissimè indulgit, ut pestis hæc nos serò tentare ceperit, licet causæ intestina in Polonia à multis annis, non minus quam alibi conspicuæ fuerint.

Quod ingens DEI beneficium inter alia, hoc nobis (dummodo eo uti voluerimus) præstare poterit, ut reliquorum Europæorum sub eodem morbo symptomata, casus & pericula, cū medicamentorum adhibitorum in utramq; partem eventus observare, & in rem nostram convertere, & sic alieno periculo cauciores fieri possimus.

Ad quam felicitatem nobis tantò felicior aditus hoc tempore patet, quod tumultus illi non solum in recenti memoria, & multis nostrorum ex oculari inspectione noti sint: sed quod plurimi insuper præstantes Viri, in singulis ferè nationibus sub ipsum morbi æstum de exorientium barbarum remedio, sua nobis eruditissima consilia, adeoq; etiam acres interdum disceptationes, publicè communicarunt. Quorum veritatem sicut & errores eventus ipsemet ad nostrum per commodum usum, utrobique detexit.

Horum igitur ductum si sequamur, apparebit omnes Europæ ferè Regnorumq; Europæorum ab annis 60. & circiter, turbas & seditiones (quarum nonnullæ valde cruentæ & periculose fuerunt, & adhuc sunt) primam suam & generalem originem ex præsentis Religionis dissidio traxisse. Sed ita ut prudentissimus quisq; nō tam ipsum dissidium, quam eiusdem com-

ponen-

ponendi modum accuset, qui nempe sua viciofitate hæc periculosa morbi Symptomata causatus sit.

Hoc ipsum verò ut ij, qui in his rebus minus exercitati sunt, melius intelligant, rem sic explico.

Certum est Pontifices maximos cum Consistorio suo hæcenus vehementer annixos esse, ut Imperium Ecclesiasticum, per superioris seculi motus haud leviter concussum, in pristinum statum restituerent, suamq; per Europam Iurisdictionem plenè recuperarent.

Opus profectò magnum & arduum, cui melioribus mundi temporibus peculiarifortuna afflatu opus fuisset: In quo e- Instituta antiam tantus hodie & tam contentiosus animorum obfirmato- te annos 50. rum nixus & renixus deprehenditur, qui vel ipsius Alexandri Cleri & Catholice Religionis reformationis primam Europæis tumen capita non aliò, quam ad eum quem diximus scopum directæ erant. multibus occasione præ-

Cumq; eius rei difficultatem ipsimet probè perspicerent, ut quibus negotij totius vitia optime nota erant, inita sunt varia consilia, quæ cum paucissimis, ex ipso etiam Principum ordine, communicata sunt, per quæ objectas difficultates superari, remq; promoveri posse sperabant.

Ad quorum executionem delecti sunt & operose instructi certè homines, qui Regibus apud subiectam multitudinem glaciem frangerent, factiq; non admodum grati invidiam quatum verbis possent, lenirent.

His ad eum modum comparatis, res omninò successura putabatur, quam propterea ij, quibus Provincia hæc extra Ordinem, uti dictum est, assignata erat, magno animo aggressi sunt, eamq; fideliter urserunt. Eventus tamen longè alius,

B

quam

quàm qui sperabatur, secutus est. Siquidem conatus iste tam graviter ubiq; impexit, ut turbas longè maximas pepererit, Egoq; affirmare ausim, omnes ferè Europæ intestinos tumultus, quibus ab annis fermè 50. ex quo nimirum prædicta Reformationis negotium seriò urgeri cepit, quatur, ex hac capitali scaturigine promanasse.

Modus institutæ reformationis vitiosus.

Quod ipsum tamen ea conditione affirmo, ut non tam ipsam reformationem (quamvis ne hæc quidem, ut jam dictum est; omnem fraudis suspicionem effugere potuerit) quàm eiusdem exequendæ modum accusem. Hic enim cum perverse institueretur, illas turbas excitavit, quarum dubius eventus adhuc orbem Christianum sollicitum & suspensum tenet.

Hoc autem si quis fortè aperiùs sibi declarari cupiat, sic habero. Instituta Reformationis hoc præcipuum vitium erat; Noverant enim illi omnium mortalium votis id unicè expeti, ut vetus disciplina Ecclesiastica restitueretur, Cleri mores seriò emendarentur, abusus nimirum conspici abrogarentur. Expetebat autem hoc nò tam promiscuum vulgus, quàm ex Procerum numero prudentissimus quisq;, qui & Ecclesiæ consultum volebant, suorumq; populorum gemitus miserabantur. Sed si verum fateri volumus, Caput hoc admodum perfunctoriè ab universo Clero tractatum fuit, ut qui hoc potius operam dederint, ut suam auctoritatem tuerentur, statumq; secularem sibi denuò subijcerent, itaq; constringerent, ut suæ libertati contra eundem in perpetuum caverent. Ex hoc ergò Capitali errore hæc deinceps executionis vitia prodierunt.

I.

Primum utrūq; Imperij Europæi brachium aggressi sunt, statum nempe Ecclesiasticum & Civilem sive Religionem & Politiam, cum alterutrum istorum plus satis negotij eis exhibiturum fuisset.

Deinde

Deinde hos ipsos status inter se ita commiserunt, ut inverso naturæ ordine, Ecclesiastico Agentis, Politico verò Patientis partes assignarint.

Coacti demq; sunt ad harum rerum praxin mediis in Ecclesia parum legitimis, adeoq; violentis & valde odiosis uti.

Et hæc quidem media duplicia fuerunt: Primum hoc præcipuè operam dederunt, ut Regum & Principum studia in hoc opere sibi conciliarent, seq; eorum auctoritate munirent. Quo ipso nihil opus fuisset, si in instituta Reformationis negotio recto pede incessissent. Ipsi tamen ut hæc Regum præsidia facilius consequerentur, eosdem communi cuidam fœderi illigârunt, per quod ad prædictorum consiliorum executionem conjunctim obligabantur. Et hinc est illa nostri temporis famata Principum Catholicorum Unio, res per se speciosa, sed quæ Europæ multarum calamitatum causa extitit.

Deinde ad persuadendum vulgus, hujusmodi Oratores delegerunt, quorum opera, in tractando Religionis negotio, legitima quidem fuisset, nec suo fortassis successu caruisset, si intra vocationis, quam verbis præseferabant, limites substitissent. Sed illi his transgressi in id ferè principaliter incubuerunt, ut Politias statumq; Politicum ad suum propositum conformarent. Et hoc quidem ea ratione, ut ausu periculosissimo publicas Leges & Nationum Statuta, per quæ nempe propositum suum impediri sentiebant, hinc tollere, ibi mutare, adeoq; ad suum sensum omnia ubiq; reformare conarentur.

Horum verò utrūq; quantæ invidiæ expositum fuerit, et quantæ per consequens ei difficultates fuerint objectæ, cordatiores faciliè intelligant.

Quantum enim ad tentatam Regum ac Principum Unio- nem attinet, illa per se hætenus intra Europam adeo semper incommoda.

B 2

diffi-

II.

III.

Primum executionis medium,

Secundum.

Primi mediij

Vnio Regum difficilis fuit, ut quamvis multi & magni nominis Pontifices Europæorum in eadem laborarint, ad exitum tamen eam vix unquam potuerint perducere: tum inquam quando unanimi Religionis sensu omnes ducebantur. Qui ergo successus in hac publica opinionum animorum & designationum discrepantia sperari potuit? Deinde hic ipse in Regibus demerendis & uniendis ambicus ipsum negotium, quod alijs plerisque non multum placebat, magis, suspectum fecit, partem adversam obfirmavit, eidemque sui muniendi & defendendi necessitatem imposuit. Idque tanto magis quod hæc unio plerisque, ad unius saltem familiæ privatum commodum & utilitatem instituta videbatur, ut eidem videlicet jam diu affectatum Europæ Dominium confirmaretur. Quod ipsum quantum institutæ reformationi profuerit, eventus in hunc usque diem testatur.

Ad reformationis executionem parum utilis.

Hispani sub prætextu Religionis Monarchiam suam amplificare conantur.

Tertio, Regum illa Unio, etsi interdum aliquousque processit, ad expectatam tamen rei promotionem, tantum momenti non attulit, quantum plerique sibi polliciti fuerant, idque ex duplici causa: Quod primum Reges & Principes Vniti, ut ut se interdum Sanctissimis ultro obtulerint, negotium tamen sincere nunquam tractarint, ut non multoties, sub eiusdem prætextu, sua privata commoda quaesitarent. Sicut in Gallijs non ita dudum manifestò licuit perspicere, quando quidam Rex potentissimus partium Catholicarum patrocinium susceperat, ibi tandem apparuit, Eum sub hoc obtentu Galliarum regnum afflictere. Cum enim animadverteret, plerosque factionis illius Procures ab Imperio Hispanico abhorre, oblitus personæ, quam agendam susceperat, manus auxiliatrices retrahere cepit, ut qui videret, se spe sua frustratum. Id quod Sixtus V. tempestivè subodoratus esse & agerrimè tulit.

Talia autem plura exempla adduci possent, ex ijs etiam que nos propius tangunt, Ex his ergo personatis & malefidis Prin-

Principum molitionibus, in Unionis agro perpetuarum similitatum copiosissima seges indies succrescit, per quas prædictum Reformationis opus magis turbatur, quam promovetur. Quodque deinceps illorundem Regum conatus, ubi etiam seriò rem egerunt, per illam edictorum severitatem, subditis magis invisum fecerunt, quam commendarunt.

Severorum edictorum in causa Religionis effectus.

Cum enim omnis coactio menti humana gravis & molesta sit, tum illa inprimis animum liberaliter institutum enormiter lædit & sauciat, quæ et Religionis nomine vis affertur. Quod tacitus quidam naturæ instinctus hoc omnes doceat: DEI cultum liberi & spontanei motus esse debere. Hoc animadvertentes nonnulli ex Regum Vnitorum Ordine, hanc violentæ coactionis invidiam declinare voluerunt, dum ab odiosa illa Edictorum acerbitate abstinent, & subditis religionis arbitrium ad speciem liberum relinquunt. Interim tamē, ut Unionis legibus satisfaciant, rem dissimulanter & quasi per cuniculos aggrediuntur, dum eos quos Religionis nomine oderunt, vel ab honoribus rei, publicæ beneficiis excludunt, vel in iure dicundo aliunde artibus eos variè impediunt & premunt, ut tandem adversitatibus fracti se ipsos eis dedere & conformare cogantur.

Artes aulicæ nostrorum temporum.

Et nostris temporibus præcipuum artificium est ijs in locis, in quibus Hispanica Inquisitio per Regnorum leges Nationumque libertatem locum habere nequit, cui à nonnullis multum tribuitur: Fieri quæ potest ut non pauci hac ratione subigantur. Si quis tamen rem penitus consideret, facile deprehendet has subtiles artes, ut vulgò æstimantur, publico Statui plus nocere, quam apertam Tyrannidem.

Ipsam etenim religionem quam hætenus ut falsam abominati sunt, nunc etiam de Tyrannicâ injusticia suspectam habere incipiunt. Deinde Magistratus auctoritatem unicum illud

Earundem fructus.

zbroni fulcimentum convellunt & subvertunt, ipsamq; Principis personam subditis exosam reddunt. Illarum deniq; injuria altius, quam vis aperta, penetrat & generosis præcipue mentibus inextinguibilem offensa memoriam imprimit & inurit. Et hi animorum affectus utut forte ad tempus, ceu ignis sub tineribus, latitant, quamprimum externa qualiscunq; ventilatio accedit, tanto periculosius erumpunt.

Adhuc ergo primum Executionis medium ad excitandas turbas, quam ad promovendam reformationem, multo efficacius fuit.

Secundi me-
di effectus.

Nec res in reliquorum impedimentorum remotione melius successerunt. Cum enim his de instituenda reformatione decretis & statutis, non solum diversus Religionis sensus, per Europam jam latissime sparsus, sed etiam Nationum populorumq; privilegia, leges, libertates & mores obstarent, illa citra tumultum ne moveri quidem potuerunt. Quæ omnia tamen à præferendis ingeniis, quibus hæc provincia non citra delectum demandata erat, non solum mota, sed acriter commota & vehementer perturbata esse constat.

Instituta re-
formationis
effectus in i-
psis Regnis.

Hinc ergo turba, hinc simultates, hinc odia, hinc diffidentia cum reliquis fatalibus Furiis, quibus nostro tempore Status Politicus infestatur, ceu ex Orco proruperunt.

Id quod omnes Europæ Nationes, quas hæc pestis pervasit, sonora voce profitentur, hanc & non aliam calamitatum suarum causam omnes, qui citra morbi affectionem judicant, summo consensu allegant.

Videamus nunc ergo num malorum nostrorum Polonicorum eadem ratio sit, & num hæc etiam externa causa ad eorum inflammationem & exasperationem aliquid contulerit? Id quod multis forte difficile persuadetur. Ego tamen illud constanter assero & assertionis meæ has probationes assero.

De eo

De eo primum satis constat Clerum Poloniae et ipsum tandem vehementer urgeri coepisse, ut ad eorundem Consiliorum communicationem semet aggregaret. Ad quod ipsum tamen præcipui istius Ordinis ab initio valde lentifuerunt: non quod rem improbarent, sed quod executionis difficultate deterreretur. Tandem tamen exteriorum instinctus prævaluit & tergiversantes impulit. Ideoq; in hunc finem non ita dudum Synodus illa Petricoviensis celebrata fuit: Cujus decreta plarisq; vel eo tantum nomine suspecta fuerunt, quod tanto studio occultata fuerunt & suppressa.

Eadem Re-
formatio quo
modo in Polo-
nia instituta.
Synodus Pe-
triciensis.

Sed nec illud cuiquam dubium esse potest, ab his ipsis primo loco diligenter curatum fuisse, ut Reges Poloniae prædictæ Unioni implicarent, eosdemq; cum Domo præcipue Austriacæ quàm arctissime conjungerent. Ex qua nimirum conjunctione maximum ad prædictæ executionis promotionem emolumentum sperabatur: Ut quæ ad subditos in utroq; Regno magis perterrendos, & in Ordinem redigendos permultum factura videbatur, quantumvis consiliis illis longè aliud pallium obduceretur.

Harum verò rerum praxis posset infelicem illam expeditionem in Sueciam, quasi renovata fuit, ubi nonnullorum studia valde conspicua extiterunt, eorum videlicet, quos præter jam dictas causas Sueciæ amissa invidia urgebat. Qui propterea omnem lapidem moverunt, ut novis Regum amicitiiis accepti infortunij sensum nonnihil mitigarent.

Suecia a-
missa.

Veruntamen ut inter vicina Regna ferè fieri consuevit, Austriacorum studia nostratibus semper suspecta fuerunt, ideoq; pro hac vice etiam ad Agentiū illorum, consilia promovenda tantum non contulerunt, quantum speratum fuerat. Cum præsertim præter vulgares illas Regum Regnorumq; vicinorū simultates & dissensiones alia non pauca, quotidie intra & ex-
tra re-

era Regnum, inciderent, quæ huiusmodi conjunctionem Reipub. nostræ minus commodam, ipsis etiam Civibus formidabilem, efficerent. Per eius itaq; attentationem nil amplius effectum fuit, quàm ut inveterata suspiciones periculosius recrudescerent.

Quod ipsum etsi ijs, qui hæc agitabant, non ignotum esset, se tamen adeo non passi sunt impediri, publicamq; indignationem tam securè contempserint, ut tantò potius confidentius in proposito perrexerint, illudq; tandem per fas & nefas ad exitum conati sunt perducere.

Hic ergo molitionum jam antea suspectarum tam impetuosus fervor eum tandem eventum sortitus est, ut offensa Nobilitate, Regnum factionibus mutuaq; diffidentia impletum sit. Et Rex ipsemet subditis, subditi verò Regi suspecti esse ceperint. Quam constat proximam & compendiosissimam esse ad Reipub. dismembrationem & interitum viam. Et hac ratione prius illud instituta reformationis turbataq; Europe medium satis inter nos, ut opinor, efficaciter operatum est.

Ad alterum quod attinet, Popularium nempe obstaculorum remotionem, nemo Polonus opinor negabit in hoc regno maiora & robustiora eis objecta fuisse, & adhuc obijci, quam in nulla Europæa Natione. Consilia enim ista inter nos, ut quidem nunc res sunt, ad effectum, quem ipsi cupiunt, perducere nullo modo possunt, nisi aut Hispanica Inquisitio, aut quiddam, quod Inquisitioni illi æquivalet, in Regnum introducatur. Per quod nempe Polonia ad Hispanismi aliquam similitudinem redacta, prædictæ executioni opportuna reddatur. Patria verò nostra ea corporum animorumq; libertate hætenus utitur, qualem fortissimæ nationes & generosissimus quisq; sibi optare poterit.

Qua libertatis fiducia ex ipsis etiam Catholicis Cordatiores

res enormes illos abusus & vanas superstitiones, quas in Religionem ipsam eiusdemq; exercitium irrepsisse constat, magnâ multoties libertate coram ipsis etiam Prelatis reprehendunt & detestantur. Et quis inter nos rei istius potestatem sibi eripi parietur, quæ tamen coram Inquisitionis Hispanicæ Tribunali ignis supplicio adjudicaretur?

Nemo igitur est, qui non videat, quàm duro collisu hæc inter se committi oportuerit? Postquam imprimis libertas illa, quatenus animum præcipuè & conscientias concernit, non ita dudum per confederationem publicam, contra eadem elementa denuo & quasi extra Ordinem confirmata est.

Confederatio publica executionis iussus obex.

Quamvis autem Hispanicam Inquisitionem nemo nobis hætenus apertè & ex professo conatus sit obtrudere, quod intelligerent, hoc citra periculum vix posse tentari: Via tamen ad huiusmodi aliquam imperiosam coercitationem, variis artibus, paulatim & quasi per Cuniculos parata est, sensimq; muniri cepit: Eo nimirum adhibito artificio, quo rem citra omnem mutationis sensum Practicantes illi se consequuturos sperabāt: Tam cautè tamen & circumspectè incedere non potuerunt, quodq; agebant tam probè nunquam potuit dissimulari, ut rerum à Diametro pugnantium, tamq; asperarum ut levis agitatio, non ingentem flammam vel tandem eliceret. De quo ipso, prob dolor, oculorum aspectus hodiè testatur.

Hæc à me omnium verissimè dici omnes norunt, qui rerum nostrarum aliquam saltem noticiam habent, quiq; actiones nostras Comitiales ab aliquot annis vel è longè spectarunt. Nec diffidentur hoc ij, qui in partibus adhuc inter nos eatenus hærent, ut & prædictæ reformationis negotium cupidè amplectantur, eiusq; studiosa, per legitima tamen media, executioni faveant.

Adhuc ergo perspicuum est, Reipublicæ nostræ intestina mala

mala, non solum per easdem externas causas proritari & exasperari, per quas reliqua hactenus Europa turbata fuit, sed eundem etiam in ijs operationis modum teneri.

In his igitur tollendis & amovendis opera nostra occupari debet, siquidem ordine procedere, Matriq; nostrae cum aliqua spe salutis opem ferre voluerimus.

Scio tamen quid heic nonnullus dicturus sit: Me hoc differendo Morbum ferè incurabilem ostendere, cum harum rerum studio consiliorumq; istorum exoticorum effectuosae executioni potissima pars Regni implicata sit, ut curatio hic etiam ipso morbo difficilior, adde & periculosior, futura videatur.

Non est de nihilo quod dicitur, noviq; egomet multos prudentes viros in eo consentire; Existimo tamen, omnia opinione nostra faciliora fore, si primum inter res ipsas earundemq; abusum, deinde inter personas, à quibus illa tractantur, accurate distinguatur.

NB.

Austriacae familiae affinitas Poloniae per se nec inutilis nec inhonesta.

Ad res quod attinet, nec Austriacae familiae, inter Europaeas haud dubio eminentissima, nec quorumcunq; ceterorum Regum & Principum cum nostris Regibus legitima & synce-
ra conjunctio per se, vel NOS, vel Rempub. nostram in minimo laedit: sed eidem potius praesidio & ornamento futura esset, si à Practicantibus illis ad sinistras suspiciones non tam dense nostratibus occasiones praeberentur.

NB.

Eadem fere ratio est alterius Medij, ab hujus enim executione nihil turbarum esset nobis metuendum, si modò ita institueretur, ut intra legitimū docendi modum consisteret, missiq; aliis parum convenientibus practicis eventus DEO committeretur. Non igitur res ista per se, sed earum abusus & perversus Tractationis modus Remp. laedunt, & has in praesentia difficultates nobis pariunt.

NB.

Hac itaq; in rebus differentia si observetur, inter ipsas

etiam

etiam personas manifestam nobis discriminis rationem ostendit: ut nempe non omnes eos, qui praedictis rebus manum quocunq; modo admovent, pro veris calamitatis nostrae auctoribus habeamus, ut curationis, de qua dicturus sum, actū ad omnes & singulos extendi oporteat; sed eos tantum qui praedicti abusus praecipuam culpam sustinent.

Si quærat aliquis, quinam illi sint? Respondeo, si eorum quos in hisce rebus periculosa experientia longo tempore erudit, consentiens testimonium admittere, Si præterea ipsam rerum evidentem inter nos experientiam in Consilium adhibere volumus, **IESVITAS ET INSTITVTVM IESVITICVM** pro ijs nobis necessariò esse habendos. Hi inquam, sicut in supradictorum consiliorum executioni praxi primas sibi ubiq; arrogat: ita alteram eius & quidem odiosissimam, & nostrarum imprimis rerum respectu perniciosissimam partem, extra ordinem sibi suaeq; actualitati desumpserunt. In qua agitata ita hactenus versantur, ut quod in hisce consiliis pessimum est, præcipue arripiant, arreptum pejus efficiant, & vim eius malitiosam per subjectum Reipub. corpus, quo jure, quave injuria, quasi transadigere & per partes applicare conentur. Ut sic prorsus sentiant, si Jesuitæ non essent, Nos aut turbas eiusmodi nullas habituros, aut si quæ forte, ut ex consensu reliquarum partium Europæarum, oborta fuissent, eas multò facilius minoriq; periculo cõsopiri posse. Hoc quidem certum est, Poloniam ab ijs ultimo loco inter Europæas Nationes commotam esse.

Hoc verò cum illud ipsum sit, de quo inter nos quàm maxime controvertitur, iudicij hujus rationes aliquanto accuratius erunt demonstranda. Quod ita faciam ut primum ad oculum demonstrem Instituti Iesuitici, si per se consideretur, eam esse rationem, ut libera Reipub. valde inimicum & ad-

† NB. NB.

Iesuitarū conatus & fervor omnium intra Regnū excessuū pri-
maria causa.

I. Cõsiliij huius præcipuam demonstrati-
ver-onis capita.

versum, Libertati verò Polonica imprimis formidandum sit.

II. Deinde, vivis aliquot exemplis ostendam, quàm periculose Secta hac Statum Politicum hinc inde per Europam turbavit.

III. Tertiò, objectiones nonnullas diluam, quæ sententiæ huic à contrarium sentientibus ferè opponuntur. Quæ tria si à

IIII. me demonstrata fuerint, quartum, quod principaliter intendo, sua sponte sequetur: Is nempe qui Rempub. restitutam & salvam cupiunt, præcipuam operam dandam esse, Vt Iesuitæ & Iesuitismus extra Regnum eliminentur, quò sic remotis hisce Inturbatoribus, certa aliqua & firma stabiliendæ Pacis ratio iniri queat.

Ad primum quod attinet, in eo tria considero: Ipsam Ordinis Politiam: Finem ad quem tendit: Operationes sive Praxin, per quæ hunc finem conatur assequi.

Politiam, si penitus introspiciemus, fatendum nobis erit, eam in hoc genere accuratè dispositam, firmissimam, & ad res magnas gerendas aptissimam esse: Vt parti cui se applicaverit vel opposuerit permultum prodesse queat. Generalis Dispositio purè Monarchica est, forma nimirum Politie ad movendum & agendum commodissima. Monarchica dispositionis nervi in hisce rebus consistunt; capite primum uno regitur, deinde hoc caput uni etiam loco, Urbi nimirum Romæ, alligatum est, ubi perpetuò residere cogitur. Quæ res Secta huic inter alia hoc præstat, ut uno certo & uniformi aëre perpetuò regatur & vegetetur. Romani nempe Consistorij afflatu, prout is ab ijs, qui Romæ omnia possunt, afficitur. Disciplina deniq; forma Institutum hoc longè arctissima utitur, quæ civis eius ad cæcā obediētiā (sic ipsimet loqui consueverunt) astringuntur, in tantum ut Minoribus in nulla Majorum

Disciplina
ratio.

rum vel absurdissima imperia inquirere liceat: Nedum ut aliquis ea detestare ausit.

Hæc ergo formam illam Monarchicam constituunt, constitutam firmissimè constringunt, adeoq; faciunt, ut actiones eius efficacissimæ sint, & ceu cuneus quidam penetrent. Illa verò hanc compactionis soliditatem adjuvant, eandemq; solidiorem efficiunt. Quod Primum Communitatis hujus basis, per fixam illam Generalis sedem Romanæ sedi & Consistorio, ut dictum est, quasi affligitur & implantatur.

I.
Basis instituti Iesuitici.

Deinde quod eandem Hispanico Imperio similiter inserunt, Dum inter septem generales, qui sibi hucusq; si rectè meminimus, invicem successerunt, neminè elegerunt, qui nō vel natione vel ditione Hispanus esset, quæ res non caret mysterio.

II.

Tertiò quod ex tot diversis Clericorum Ordinibus, solè ferè Iesuitæ ab utriusq; fori ordinariâ Iurisdictione exempti sunt: ut nullum prorsus in nationibus, nisi sui Corporis superiores agnoscant, qui plerumq; Italus aut Hispanus est. Vt sic Ordo Iesuiticus ab omni juris Polonici coercitione solutus, inter nos liberrimè versetur, suisq; molitionibus securè incumbat. Quartò quod etiam in subdelegatis Imperiis hætenus diligenter cavent, ne in Nationibus Provinciales unquam ex indigenis eligat, sed vel Hispanus vel Italis dignitates illas conferunt, aut saltem ijs qui ex Anglia, Gallia &c. propter facinora aliqua profugerunt, aut propter nimium Hispania studium, ex prædictis Nationibus proscripsi sunt.

III.

IIII.

Seniores verò Rectores & his similes inter nos rarissime ex Nobilium ordine, sed ex plebe tantum adoptant. Quod cur fiat, conjectura non est difficilis: Generosa nempe Nobilitatis pectora erga patriam ita affecta norunt, ut suis consiliis & Practicis ea minus commoda & oportuna statuunt. Interim his rebus fit, ut cum Iesuitismi venter nostras ferè sit, parū idonea.

V.

Nobilitas Polonica ad cæcā Iesuiticā obediētiā

Polonia Iesu- quem videlicet nostris opibus explere & suffarcire cogimur :
 itismā nutrit Caput tamen Hispanico & Italico cerebro repletum habeat ,
 Hispania & ad cuius nempe sensum reliquum corpus movetur.
 Italia eodem utuntur.

Hæc igitur ad Monarchicum robur, iterum perquam multum faciunt, incursum Iesuitici impetum certissime dirigunt, & sectæ huic ad consiliorum suorum executionem, inritum plane & penetrantem constantiam præbent.

Porrò huic ipsi Imperij Iesuitici formæ per subordinatarum dignitatum distinctos gradus variasq; species egregie contra omnes Monarchiæ incommoditates & vitia prospectum est: Ut si ex humano sensu iudicetur, ei neq; à Tyrannicâ oppressione, nec seditiosa dissolutione, ullum periculum sit extimescendum: Quod ipsum etiam prædictæ sodalitati ad res gerendas miram corporis agilitatem conciliat.

Quarum rerum omnium illustre documentum nobis Historia postremi motus Galliæ præbet, ubi compertum est: in illa desperata totius Regni perturbatione, ex solo Iesuitarum ordine Neminem, ac ne unum quidem Iesuiticum individuum fuisse, qui Reipub. partes secutus esset: cum contra ex omnibus alijs Clericorum Ordinibus permulti Regias Reipub. partes fideliter tuerentur.

Iesuitismus
 Cor factionis
 Hispanicæ in
 Gallia.
 Hispano autem hi ipsi Iesuitæ tam pertinaciter adhaserunt, itaq; fervide studuerunt, ut eius factioni pro anima aut potius pro corde fuerint: De quo vulgo dicunt, quod in corporis humani structura sit primum vivens & ultimum moriens.

Prædicta sanè factio prius opprimi non potuit, aut eradicari, quàm Iesuitæ Regno exigerentur. Quod fidele & perdurans robur instituto huic, in tam variegata hominum colluvie, nihil aliud præstat, quàm ea quæ hætenus de Politia formâ diximus.

Nam

Nam verò hæc talia sint, à quibus sibi Respub. Polona metuere debeat, ijs cogitandum relinquo, qui superiori autumno artium istarum aliquem gustum perceperunt. Ego interim factionem Iesuiticam inter nos non aliter æstimo, quàm agilem quandam & acutum gladium, cuius lamina quidem in vaginam Polonicam recondita sunt: Sed ita ut capulum Romana Aula & Hispania manibus teneant, & sic eum ad nutum suum vibrent, id quod Instituti huius proprius finis aliquantò clarius docebit.

NB.

Hic autem & ipse quiddam singulare, & ab omnibus aliis Monachorum ordinibus diversum habet. Omnes enim aliorum Religiosorum Ordines in hunc finem ut plurimum inventi & approbati sunt, & eo tendunt, ut popularis devotio per eos augeatur, Religio Romanocatholica magis splendeat, & Ordinibus Spiritualium Pomaria dilatentur &c. Iesuitæ verò, etsi hisce rebus et ipsi pro virili studeant, sui tamen principalis finis longè sublimiorem scopum præfixum habent: Qui nempe est, ut Romana Ecclesiæ sive Imperij Ecclesiastici collapsam auctoritatem non solum recuperent, in quo studio reliquos Clericos Commilitones habent, sed ut subiectum præcipue Europæ orbem ita corrigant & reforment, ut huiusmodi insultus, quos res Romana hætenus esse perpeffa, in longum præcaveant, sublatis & quasi obstrictis omnibus occasionibus, per quas antehac populus ad eandem propugnandam aditus præbitus fuit.

Quas occasiones norunt non aliunde densius emergisse, quàm ex Subditorum in hisce Septentrionalibus Regnis nimia, ut quidem Romæ semper visa est, libertate, illiq; barbaris legibus, quibus hætenus ita firmatur, ut Inquisitionis Hispanicæ intentatum jugum constanter repellat.

Horum igitur remotio & annihilatio Iesuitis, per quarum illud & sectæ huic proprium votum extra Ordinem injecta est.

In hunc

In hunc finem tot extraordinariis Privilegiis, Bullis & Indul-
tis instructi & muniti sunt, ut non solum facultate reliquo Cle-
ro universo præpolleant, sed jam ipsis Episcopis & superiorum
Prælatorum Ordini graves & formidabiles esse incipiant. Nec
ego dubito, quin gens Iesuitica aliquando Romanæ Eccle-
siæ horrendi scismatis occasionem præbitura sit. Id quod sanè
ipsimet inter nos jam hoc conspicuum Exordium fecerunt, quo
eos, Romanæ Ecclesiæ instituta sequuntur, in genuinos Catho-
licos & Politicos distinguunt. Veri autem Catholici eis sunt,
non qui Catholicè vivunt aut credunt, sed qui ipsorum factioni
ita toti addicti sunt, ut omnes illorum molitiones probent, se-
rius promoveant. Pro Politicis verò, id est PseudoCatholicis,
eos habent, qui etsi in Fide & vita Ecclesiæ Romanæ se per om-
nia conformant, Iesuitarum tamen factiosa consilia & præ-
fervidos conatus detestantur, maioremq; Patriæ & Reipub.
quàm exoticarum factionum & practicarum respectum habet,
Iesuitismi spe quod ipsum, quale sit, prudentibus liquere existimo. Interea in
cisticus Cha- his ipsis rebus specifica differentia consistit Iesuitismi, per
racter. quam à Clero reliquo discernitur, eiusdemq; genus quasi tran-
scendit.

Cum verò hoc ipsi constanter negare consueverint, vivo
illud exemplo erit demonstrandum. Inter Venetos & Pontifi-
cem hoc maxime tempore controversia intercedit super qua-
dam Ducatus Ferrariensis particula, quam Veneti, ut audio,
ante annos 130. aperto bello sibi acquisiverunt. Itemq; super
Constitutionibus quibusdam, quarum renovandarum occasio-
nem præbuerunt Magistratui Veneto Iesuitarum artes re-
Venetorum stamentariæ, Pontifex autem eas in fraudem Ecclesiæ fra-
cum Pontifice gas esse conqueritur, Veneti hoc nomine à Pontifice compella-
Controversia ti, jure suo cedere nolunt, sed palàm præseferunt, sibi in sua
ditione supremam Jurisdictionem, & sic etiam Legum feren-
darum

darum potestatem, non autem Pontifici competere &c. Quo
animadverso Pontifex Excommunicationis fulmine eos terri-
tat. Senatus hoc cognito Clerum suum compellat, Jus Reip.
eidem exponit: Pontificis Pontificiæq; Excommunicationis in-
iquitatem demonstrat, eosdemq; pro Autoritate hortatur,
ut curato officio Excommunicationem pro nulla habeant &c.
Quid sit? antiquus Clerus unanimi consensu Reipub. causam
contra Pontificem probat, & de fide sua prolixè pollicetur:
Recentiores verò Religiosi, quorum nempe Regula præsentis
temporis conditioni accommodata sunt, Ducibus Iesuitis Rei-
pub. causam damnant, stationemq; suam deserunt: Quamvis
Iesuitæ Magistratus edicto nominatim expulsi, & in æternum
relegati perhibeantur.

NB.

Hoc autem Iesuitæ non aliam ob causam fecerunt, quàm
quod viderent, se stante ac defensa Reipub. Venetæ libertate,
stantibusq; Legibus, nec stare, nec instituti sui finem obtinere
posse. Quod ipsum sanè discrimen illud, quod inter Iesuitas ex
quoscunq; alios Clericos constituimus, satis evidenter probat &
cõfirmat. Vos ergo jam Proceres, quæso cogitate, quid
de Polonia nostra futurum sit, si inter nos omnia illa removeri
debeant, ut profectò illa remota cupiunt, per quæ in finis istius
adeptione impediuntur? Adhuc de fine.

Videamus nunc Media sive praxin, per quam ad sco- Praxis Iesui-
pum illum percurrere conantur, & hæc ex ijs, quæ jam dicta tica.
sunt, facile intelliguntur. Hoc nimirum conjuncta opera servi-
disimè agunt, ut primum Reges Europæos quotquot possunt
uni cuidam Fœderi illigent: Cujus fœderis Principem & Di-
rectorem constituunt Hispaniarum Regem, aurei istius velle-
ris Possessorem & custodem: ad cuius videlicet nutum reliqui
se applicare cogantur, sub hac conditione, ut qui conatibus
eius quacunq; ratione intercedit, aut quàm minimum adver-
D satur,

satur, de hæresi suspectus sit, & prædicti Velleris periscele
indignus censeatur. Sed Regnorum Septentrionalium ea ferè
est ratio, ut ad Legum præscriptum, non autem ad absolu-
tum Regium arbitrium regantur. Ideoq; Regiarum perso-
narum confederatio illis parum prodesse poterit, nisi etiam
subiecta Regibus regna in eandem unionis massam cõcludant.
Acqui hoc opus, hic labor est: cum hæc en infinita, ut jam
dictum est, difficultates obijciantur, quocirca etiam opera
illorum hæc præcipuè enitet, & omnium maximè conspicua est,
Sic autem res suas hoc loco disponunt.

I. Primùm omnium hæc sedulo curant, ut in Aulis se insinu-
ent. Hunc enim nidum hoc genus Accipitrum sibi ubiq; præ-
sunt, inq; eodem ova sua deponere solent, priusquam ad ve-
natum evolent. Jesuita etiam ibi peregrinus & exul sibi, im-
mò Capite diminutus videretur, ubi ab aula arceretur.

II. Fixo hic pede, ulterius operam dant, ut clavum Reipub.
in suam potestatem redigant, id est, ut vel Regi Reginae ex
suo Corpore confessorium, vel saltem hæredi Regio præcepto-
tem dent: Aut si hoc nō semper procedit, illis dominantur, quo-
rum in Reipub. administratione præcipuè partes sunt & vires.
Veq; horum affectus, cupiditates & designationes penitissimè
cognita & perspecta habeant: quā videlicet escā unusquisq; al-
liciendus & captandus sit. Ad hoc autem feliciter perficien-
dum Romana aula, quicquid auctoritate, quicquid opibus, quic-
quid artibus & consilio valet & potest, Gentis huic liberalissi-
mè, ut jam dictum est, indulget. Adeo ut Jesuitarum com-
mendationes Romæ ad consequendas dignitates & præbendas
plus valeant, quam potentissimorum Regum intercessionēs.

Quæ unica res, si cætera abessent, ad corrumpendās omnes,
OMNES dico, Europæ aulas abundè sufficeret, sicut E-
ventus, proh dolor, testatur. Quamvis hoc etiam tibi adver-
tendum

tendum est, genio Jesuitico extra hoc quandam occultam &
natura vim inesse, qua ingenii aulicis imperat & dominatur.

Vt autem de occultioribus factionis hujus artibus, quas in
prædictis Politiarum officiniis exercent, nil dicam: Duo sibi
ibidem potissimum paciscuntur, primum, ut ipsorum mellificatio
ex hac reip. arce nō impediatur. Vtq; deinceps adversariis suis
nullum eò refugium pateat, illorumq; querelæ, si quas eò de-
ferrent, vel omninò negligentur, vel quoquo modo eludantur.
De his duobus quamprimum Jesuitæ cautum est, ipse deinceps
sibi ad reliqua perficienda sufficit.

Constructo & firmato hoc nido, pabulatores suos quaqua-
versum emittunt, suamq; Venationem hac ferè ratione institu-
unt. Primùm operam dant, ut in primariis Regni aut Pro-
vincia urbibus, Seminaria, Collegia, Tempia quàm plurima
tanquam instantis mæsis sua horrea, vel occupent vel extru-
ant. Per hæc autem duo consequuntur, quæ eis ad finem su-
um, de quo diximus, valdè proficua existunt: Regnum primū
universum his ceu unguibus apprehendunt, & ita constringunt:
ut ad suum nutum illud, quoties res ita postulat, cum singulis
partibus circumagere queant. Quod ut facilius consequantur,
seminaria sua in prædictis urbibus ita plerunq; construunt, ut
suis aedificiis ipsa urbium mœnia complectantur, eademq; sibi no-
ctu diuq; per via faciant: ut in arcibus, quas Cracovia, Vilna,
Calisij, Posnania &c. habent, videre licet.

Nec ego Gentis nostræ supinam negligentiam et incuriam
satis hæc admirari, aut pro rei indignitate sufficienter detesta-
ri possum: Quod ad hujusmodi periculosas & Reip. præjudicia-
les substructiones non solum connivemus: sed ad easdem mate-
riam ceu propriis manibus congestimus: cum sic existimem: Si
Rex aliquis tale quid machinaretur, universam Remp. con-
tra eum insurrecturam: Et his exterorum Venatorum inda-
gatoribus in nostris nemoribus tantum licet?

III.
Iesuitarum
Venatus.

NB.

Polonorum in
fovendis Iesu-
itis præcipuū
peccatum.

Deinde eadem opera juventutem nostram, spem posteritatis ad suum cerebrum, dispositis & recoctis animis regigunt, & sic inter NOS Novi, & Jesuitici mundi sementem faciunt.

IV.

Dum autem intra Regni urbes hoc ij agunt, qui ad hac donis idoneis sunt instructi, reliqui Concionibus popularibus & audiendarum Confessionum operosissimo simul & quæstuosissimo artificio pro virili student. Quarum artium effectus iterum duplex est. Plebem enim primariam, ut ille loquitur, hac ratione paulatim suam faciunt, factioni quoque vires adijciunt. Provisores deinceps, qui Camera siue Arario præsent, viam ubique muniunt, ut in omnia publica & privata bona aditus eis pateat.

Iesuitæ sagaces aucupes.

Et hic mihi latissima sermonis valva se aperiret, si aucupia illorum, quibus illi homines, mulierculas præsertim, circumveniunt, explicare vellem.

Cum verò instituti & occupationum mearum ratio mihi habenda sit, illud saltem præterire nolo, in quo etiam Sectæ hujus à reliquis Religioforum Ordinibus differentia aliqua perspicitur: Quod nempe Jesuitæ vulgaria ista munuscula, quæ vulgò in Religiosos erogari consueverunt, non curant, nec ea capiunt: Quod hoc eis sordidum, & reliquo Ordinis splendori minus cõveniens videatur. Aquila enim currucam non capiat. Et ipsi aliàs ut exercitati Practici benè norunt, Pecuniam in loco negligere maximum interdum lucrum esse.

Propter passerem rete non attrahunt.

Novi quoque egomet simulationem hanc aliquando eò usque processisse, ut oblatum 50. aureorum Vngaricorum precium repudiarent.

Hominum vero opulentorum testamentaria legata, & cum his integra prædia adeo non fastidiunt, ut potius exquisitissimo artificio illa aucupentur, ut Polonia, in hac etiam publica morum corruptione vix quicquam simile experta sit. Hinc ergò

ergò istis pecunia neglectoribus, qui suam gratuitam operam nobis tam officiosè deferunt, illi regales inter nos Proventus, quorum præsidio se jam non solum animosè, sed etiam factiones inter nos alere incipiunt. Hoc etiam cum reliquis suis arcanis in Majore Polonia, Calisij: in Minore Cracovia: in Russia, Lublini, Vilnæ in Lithuania: Postovij in Masovia; & Brunsbergæ in Borussia: deponere & custodire dicuntur. Hac inquam Imperij Jesuitici inter nos æraria publica sunt, & Charophylacia, quæ si hoc tempore excuti deberent, Poloniam haud dubiè de status sui qualitate rectius instructura essent, quàm tot hætenus tumultuosa scrutinia præstare potuerunt.

Et hæc de praxi Iesuitica.

Hæc itaque de primo designationis meæ Capite, de Politia nimirum instituti Iesuitici, pro lectoris instructione sufficiant. Ejus nunc erit cogitare, num fallatur qui Iesuitas Polonis Reique eorum publicæ vehementer formidandos & sedulò cavendos censet. De narrationis autem meæ veritate, novi plerisque melius quàm mihi ipsi constare.

Superest nunc, ut quæ in genere de Secta Iesuitica natura & moribus proposita sunt, per particularia Exempla comprobentur, adeoque demonstretur, quàm periculosa harum rerum praxis ordini Politico fuerit, quod secundum erat propositionis Praxis Iesuiticæ caput: Hoc ipsum verò domestica & nostra experientia tica ordini documenta satis explicare possent & demonstrare. Spero tamen in exterorum Historia rem magis conspicuam fore, quod illorum casus extra factionum effectus positi, & sic ad instruendum aptiores sint: Ideoque illorum exemplis immorabor, ita tamen ut nostratium non prorsus obliviscar.

Inter plurima verò documenta vix quicquam illustrius est eo, Quod Historia ultimi tumultus Gallie suppeditar: ex quo nempe

nempe perspicitur, quantum Iesuitismi Genius contra statum Regium ad ejusq. eversionem possit. Res sic habet, Regni Gallia ea est conditio, ut à Prudentiæ Politicæ studiosis ferè pro optima Politicæ formâ allegetur. Et quamvis in eo nobis cum ipsis non per omnia conveniat, certum tamen est, eam firmissimam esse: siquidem ad absolutæ Monarchiæ formam quàm proximè accedit, contra Tyrannidem tamen & seditionem ijs legibus, eâ Parliamentorum autoritate, illa deniq. sanguinis Regij reverentia corroboratum & firmatum est, ut his solis rebus hactenus invictum perstiterit.

NB.

Et quantum ad sanguinis Regij observantiam attinet, Galli vulgò aliquid præ reliquis Nationibus in hoc affectu putantur habere. Illorum sanè regia familia vetustior est, quàm ulla Europæ. Contra hanc tamen firmissimam, ut Henrico III. haud dubiè videbatur, arcem, Iesuiticæ impressionis cuneus tantùm valuit, ut quod in Gallis hactenus inauditum erat, Rege in Ordinem redactò, Familiæ Regiæ auctoritatem ita penitus prostraverint, ut & personam Regiam neci dediderint, & insensibilis Gallis nationi, ad invadendum Regnum viam longè latèq. complanaverint. Et nisi peculiaris & penè miraculosa DEI providentia conatibus eorum tam evidenter obstitisset, rem eò deducturi videbantur, ut Galli proditâ Regiâ familiâ, quæ inter eos annos plus quàm 600. tam altas radices egit, ut omnes ferè principales familias complexa sit, Gallici nominis perpetuum hostem & amulum sibi Regem ascivissent. Ideoq. sanè multò majori miraculo, quàm si nobis ante hac Demetrium suum Muscoviticum obtrussissent.

Hec autem ut magis perspicuum fiat, quomodo Instituti istius Genius erga statum Politicum sit affectus, ex tot illorum molitionibus, quibus Henricum illum subverterunt, unum saltem

saltem sed valde insigne illorum stratagemâ hęc producā, cujus hæc est ratio.

Sub initium prædicti tumultus, questio illa in Gallis agitari capit: Num Pontifex R. Galliæ populum à fidelitatis juramento, quo Regi suo obligatur, in casu hæreseos absolvere possit? Ex hoc oriebatur altera huic admodum affinis: Num cuilibet privato liceat Tyrannum propria autoritate occidere?

Quæstiones à
Iesuitis in
Gallia motæ
& decise.

Intelligis, opinor, cordate lector, quantum Regis, flatusq. Regij in horum Problematum decisione interfit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si religiosus aliquis cum eiusmodi questione coram eis apparuisset? Neque tamen in Gallis controversiæ istæ novæ erant. Ad priorem ventilandam Pontificum olim cum Gallie Regibus perpetua litigia perennem materiam suppeditarunt.

Posterior verò ante annos plus minus 200. post eadem nempe Ludovici Aureliani, in Sorbonistarum Collegio publicè agitata & solenniter decisa erat. Veràq. semper constantissimè fuit negata, adeo, ut posterioris assertio & assertor Iohannes Pratus, nō fallor, in Concilio etiam Constantiensi ex æquo damnati fuerint.

Iohannes
Pratus.

Pro hac autem vice eadem quæstiones Galliam ad eū modum immutatam invenerunt, ut bona pars Cleri, & cum his totus Iesuitarum Ordo utriusq. assertionem probaverint, revocatâ & annihilatâ Majorum suorum perpetua sententiâ: non aliter quàm si novus interea Mundus successisset.

Hujus verò immutationis Iesuitas præcipuos autores extitisse, ipsa Sorbona post res sedatas publicè professæ est: Et Iesuitæ idem non obscure agnoscunt, dum inter ea causas, propter quas olim Pontificia Excommunicatio contra Galliæ Reges mi-

Regis vita &
quæ ab hoc
pendet regni
fortuna Iesui-
tarum affli-
ctui obnoxia.

Henricus III.
in Gallis pri-
usquã displi-
cere cepit, à
Catholicis
saltem non
altero Mes-
sia habitus.

nostram firmitus & efficacius esset. Nunc autem hoc verè dici agnosco, neq; tamen hoc ipsum sollicitudinis meæ causam tollit, sed eandem potius auget. Ecquis enim certò dicere poterit, quod hoc Regi nostro perpetuum futurum sit, ut fœdatis tam propitiis utatur? Quid si is aliquando deprehensis illorum artibus, à quibus eum hætenus pleriq; circumventum existimãt, animum mutet, & potiore Reipub. respectum habere incipiat. Ecquid tùm eum sperare jubeamus? An non tempus fuit in Gallis, quo Henricum III. ex Polonia redeuntem, Iesuitæ eo applausu excipiebant, ut laudem eius præconio exsatiari nequirent distitantes; Huic uni individuo omnes Cōstantinos & Carolos magnos, omnes Ludovicos & c. inclusos esse, Hunc fortissimum, felicissimum Christianissimum & invictissimum Christi athletam, Ecclesiæ Catholicæ Protectorem, Hæreticorum malleum & pavorem à DEO Gallis provisum?

Quid verò hæc omnia eum tandem juverūt? Cum hic projecta assentationis affectus, paulò post ita in contrarium mutatus sit, ut eum non solum occidi cura verint, sed occisi cadaver, quantum in ipsis fuit, sepultura prohibuerint: ipsumquæ parricidam in Divorum Catalogum retulerint.

Sed esto, inter nos tale nihil metuendum sit in præsentia, quis verò noverit, qualis in posterum Regum rerumq; nostratum status futurus sit? Nostranè itaq; matri ita consulemus, ut tam ambigæ fructificationis semen scientes intra Reipub. viscera retineamus, tantà curâ foveamus, & ad posteros propagemus? Quis inquam sanus nobis suadebit, ut fortunas nostras tam ambigui eventus aleæ cōmittamus? ut nempe Respub. non diutius salva sit, quàm quousq; Regi Reipub. publicæ cum Iesuitis probè convenit? ut cum demum nobis securos esse liceat,

liceat, quando nihil inter nos est, quod Sectæ huic offensionis causam præbere possit.

Dixi, quanta sit vis aculei Iesuitici contra Reges Scatūq; regium, quoties hunc molitionibus suis obstare intelligunt. Iesuitismi ge-
Hic autem Lectorem notare velim, eiusdem pestis non mino-
rem efficaciam esse, in oppugnanda & expugnanda Rep. at-
terendis legibus, quoties nempe sentiunt, se ab his in instituta
sua venatione impediri.

Et quod ad leges attinet, hæ Politicæ tinea illas præcipuè arrodere consueverunt & exedere, quibus jus successionis in Regno continetur, Libertasq; & pax publica firmatur.

Qualem in Gallis præcipuè invenerunt illam Legem Salicam, Matriculam & fundamentum illius Regni, per quam stirpis regie mascula proles, exclusis fœmellis, ad regnum sola admittitur. Cujus legis vigore, successio Regni post interfectum Henricum III. ad Henricum IV. Regem tùm Navarra devolvebatur.

Lex Salica in
Gallis.

Quod ipsum, cùm Sectæ Iesuiticæ suum interitum interpretaretur, tantum efficere potuit, ut Galli hoc Reipub. suæ fundamentum ipsimet subruere conarentur, ascitâ cōtra hanc Legem Philippi II. Hispaniarum Regis filia, quam ex Henrico II. Galliarum regis filia susceperat, in regni sui heredem, operis totius promotoribus & internunciis Iesuitis. Quod autem Gallis Lex Salica præstat, hoc Polonia adhuc Regum jura-menta conferunt, per quæ hætenus Reip. libera electionis jus conservatur.

Quàm periculose verò hoc etiam libertatis nostræ fulcrimentum ab his tineis arrosū sit, egomet dicere nolo, nec publicè ipsimet divulgabo.

Eiusdem virtutis illustre specimen coram oculis nostris in vicina Hungaria, Austria, Styria, Corinthia & c. ediderunt. Eo nimirum successu ut obtritis legibus, quibus prædictarum

Nationum & Provinciarum Libertas nitebatur, partem earum penitus oppreſſerint, partem ad extremam deſperationem adegerint.

Homines nobiles ſedibus pelluntur, quod leſuitis gemiculari volunt.

Hoc quidem rumor publicus haſtenus conſtãter affirmat, in prædictis Provinciis alicubi illuſtribus, & antiquiſſimæ nobilitatis familiis publicè diem dictum eſſe, intra quem ſe aut coram Jeſuitarum Tribunali ſiſtant, aut relictis patriis ſedibus aliò migrent; quæ res fœderi iſti malè vertat.

Hic ergo jam quæro Proceres, ſi res forè in eum caſum deveniat, ut Regiam Majeſtatem Jeſuita inter nos, vel nunc vel poſteris temporibus, ut eandem contra Remp. contra Le- ges & libertates noſtras incitent; Vt quando haſtenus coram moderna Regia, pacem religionis unicum illud furoris Jeſuitici repagulum, ita traducunt, ut eam Tartaricam & Mahometicam perfidiam nuncupent, quam Regia Majeſtas citra æternæ ſalutis ſuæ jacturam nec approbare poſſit, neſum ut eandem projectū dem tueri debeat &c. quam inquam Vos mihi ſpem dabitis?

Pacem religionis leſuitæ ut Canes lapides admordent.

Novi tamen, quid etiam hic nonnulli excipiant, non eſſe videlicet tantopere admirandum, ſi confœderatio illa fortæſſis non omnibus probetur, ſub qua nimirum tot abominanda ſecta quotannis inter nos ſuppullulent &c.

Age itaq; cedamus eis ad tempus (quod tamen citra Reipub. præjudicium fiat) hoc jure: quid verò ad illud mihi reſpōdebunt, quod in proximis Comitibus VVarſavia Dominica Miſericordias Domini Anno 1606. ex Petri Schargæ ore audivimus, quando is converſo ſermone ad Regem ſic alloquebatur: Eheu Rex, quorſum jam nobis res tua intempeſtiva conniventia reciderunt? Reges olim Poloniae de rebus ad Rempub. ſpectantibus cum ſolis Senatoribus deliberabant, Nunciorum iſtorum terreſtrium, quos vocant, nullæ in hiſce rebus partes erant,

erant, ut qui non ita dudum introducti ſunt. Nunc verò tuâ & quorūdam Majorum tuorum ſocordiâ reſcō, proh dolor, deducta eſt, ut quàm primum feroculus aliquis Domicellus, qui ſe pro Nuncio forte terreſtri gerit, votum ſuum proponit, omnes ei protinus aſſurgere, conantur. &c: Tuum tuum erat ô Rex, cuiusmodi perversas, quæ contra antiquos mores inoleverunt, conſuetudines cohibere. &c. Vbi etiam manibus ceu nutu indicavit, quid fieri velit. Summa nimirum papavera demetienda eſſe.

Hinc igitur Tubicinis iſtius Aulici tenorem, ſi reliqui tribules ita perſequerentur, ut proſectò eum ſtrenuè perſequuntur, ut ad conſiliorum iſtorum executionem operam vel vires Regi aliquando in auxilium offerant, Ecquid de nobis, deque noſtra haſtenus illibata libertate futurum cenſetur? Diſputatur haſtenus inter nos ab annis 50. & circiter, de legum Polonicarum auctoritate contra Pontificum Decretales, quæ civis Poloni caput & fortunas, in caſu Hereſeos, ut loquuntur, abſoluto Epiſcoporum arbitrio, contra expreſſas libertates noſtras ſubijciunt, Regiq; nullas alias in iudicio quam Miniſteriales executiones partes relinquunt.

Diſceptatur etiam hodie inter nos de modo poteſtatis Regiæ, itemq; de Reipub in rebus ad ſalutem Regni ſpectantibus auctoritate. De hiſ autem Controverſiis, quod Jeſuita ſentiant, non eſt obſcurum: Regi enim Regiæq; Majeſtati, quādiu in conatibus ipſorum promovendis conſtanter perget, tantum adjectum cupient, quantum Henrico III. olim, & eiusdem ſucceſſori Henrico IV. propter oppoſitam rationem detraxerunt. Quomodo verò vice verſa in Rempub. animati ſint, Petrus Scharga jam nos docuit. Et vos adhuc dormire vultis?

Ex his ergo omnibus perspicitur, Jesuitas illos esse qui diffidentiam inter Regni hujus subditos & supremum Magistratum serunt, fovent, augent, exasperant, dum Regiam Majestatem Nobilitati, Nobilitatem Regi suspectam efficiunt, et sic Principem eo deducunt, ut omisso fidelium subditorum respectu, exgera amicitia praesidia circumspiciat. Idem vero illorum studium est circa statum illorum disidium, quod hactenus ceu in cineribus sopitum jacuit, quod tamen illi subinde fodiant, dum Praelatorum animos sollicitando, hos spe, illos metu incitare non desinunt. Illas autem populares factiones, quibus Ordo equestris periculosissime hoc tempore distrahitur, eccui alij, quam Jesuitis acceptas feremus? qui primum universum hunc Ordinem generaliter in Hereticos, quibus nullum in Regno nisi precarium jus concedunt, in Politicos, quos his aliquanto peiores statuunt, & syncerè Catholicos sibiq; fideles tripartito discernunt. Et inter hos ipsos deinceps privatas similitudines & disidia serunt & alunt. Ex quo inter infinita mala etiam illud consequitur, ut Princeps, ne quidem si velit, precipuum aliquem Nobilitatis respectum habere queat, ut in cujus dissolutis scopis parum autoritatis & praesidij sibi repositum norit.

Hac igitur etsi palam inter nos practiceantur, ita ut animi affectus citra ruborem ipsimet in publicum prodant, sunt tamen qui Jesuitarum inter nos patrocinium suscipiunt, & omnia sedulo conquirunt, quibus haec sub aliqua probabilitatis specie, vel prorsus negari vel saltem palliari & excusari quomodo posse confidunt.

His igitur deinceps nonnulla respondenda sunt, nam hoc iterum nobis designationis nostrae caput constitutum fuisse meminimus. Qui itaq; Jesuitas omnium fervidissime propugnant? primo loco Catholicam religionem allegare consueverunt, à cujus interitu sibi metuunt, si in Jesuitas gravius aliquid de-

beret

beret statui. Estq; hic defensionis Jesuitica longè splendidissimus & maxime plausibilis praetextus, ad quem congeruntur Ordinis istius res gestae, Barbarorum nempe infidelium sub utroq; Mundi axe, sicut & haeticorum in hisce partibus plurimorum felicissima conversio. Quibus ante hac inter nos adiecti sunt, divini & miraculosi illi sectae istius successus in Moscovia & angusta spes, quam ex illo tractu, & nobis & Romana Ecclesiae ostentant &c.

Ipsi etiam Jesuitae, ut hic foro utantur, videri volunt, eos qui illorum ejectionem & ex Aula remotionem suadent, id malinosè agere, ut ab actis Canibus ab ovili, oves Luporum sarti-
tia prostituant.

Adhac igitur quid dicimus? Haec nempe primo hic ad-
mirari cogor, quibus rationibus sibi persuaderi patiantur Catholicam Religionem citra Jesuitarum operam in Polonia consistere non posse, ij qui credunt Romano Catholicam Religionem, qualis illa nunc est, paulò minus quam Mille quingentos annos per Orbem durasse, antequam Ignatius Lojola in terris natus esset, ita videlicet, ut in nostra quoq; Polonia tot centenos annos egregie floruerit? Deinde dico Christum & Apostolos ab initio non solum religionis propagationi, sed etiam aeternae ejus conservationi, per sufficientia media abundè prospexisse: Ut Ecclesiae quam diu in veritatis tramite simpliciter incedit, nullus novis & extraordinarijs medijs opus sit.

Hi autem non Jesuitas, quos quidem ego sciam, sed Episcopos, Praesbyteros, Doctores, Pastores, Diaconos &c. ordinaverunt. Istorum vero officiorum cum non solum nomina sed etiam personae inter nos supersint, quibus illorum cura de mandata est, quis dubitet, quin hi, dummodò officium faciant, religionem sine rectè curaturi, ut maxime Jesuitae in Polonia nulli sint:

Quod via arguunt.

Religionis
Romano Ca-
tholica con-
servatio &
propagatio.

Qui putant
Religionem
citra Jesuita-
rum operam
consistere non
posse, ordina-
rium Clerum
pudèda igna-
via arguunt.

Jesuitarum
nequitia u-
biq; applau-
sores invenit.

Qui &c.

Quod si autem Jesuitæ canum illâ valde ambiguâ appellatione ita delectantur, ut sibi solis eam vendicent, videriq; velint, citra ipsorum vigilem curam Dominicum ovile omni præsidio destitui, indicari mihi velim, quid de reliquo Ordinario Clero sentiant? Num eos fortè pro vulpibus haberi velint.

Iesuita religio.

Tertio ulterius sic dico Religionis curam & propagationem Jesuiticæ designationis minimam partem esse, quam nimirum ipsi amplius non curant, quàm quatenus prætextus illius eis ad principalem Institutui sui finem, de quo dictum est, viam muniat. Id quod vel hinc apparet, quod inter eos partes docendi in Ecclesiâ inferioribus ferè committuntur, ut primicerij istius Ordinis, & qui ingenio præstant, illis quas diximus, sublimioribus artibus in Aulâ liberius vacare queant.

Quartò experientia testatur, quod etiam virorum doctissimorum, quos vel Jesuitæ ipsi pro Catholicis coguntur agnoscere, calculo confirmatur, Jesuitas Romano Catholica intra Europam magis obsticisse, quàm ut eandem promoverint. De quo aliquot inter præstantissimorum Virorum, ex ipso etiam Ecclesiastico Ordine quærimonia non semel audire memini.

Hoc ipsum verò cum multis prorsus incredibile videatur, his illud rationibus ulterius declaro: Primò omnes in universum Catholicos in eo mecum consentire opinor, quod ibi demum Romano Catholica Religio crescat & floreat, ubi Concilij Tridentini Canones & Decreta acceptantur, & juxta eosdem creditur & vivitur. Ibi nempe instituta reformationis negocium, de quo supra dictum est, plene succedit, in quo nempe Ecclesiæ Catholicæ salus hodie reponitur. Sed experientia perspicue testatur, Concilij istius executioni vix quicquam hætenus fortius obsticisse, ejusdemq; Decreta nationibus suspecta & exosa reddidisse, quàm Jesuitarum practicas & seditiosum fervorem, quibus

quibus modestissimū quemq; inter ipsos etiam Catholicos offenderunt, & omnia turbant.

Deinde negari non potest solius Jesuiticæ bilis præservido Calamitatis æstui imputandum esse, quod Romano Catholica Religio hodie in Angliâ in amplissimo Britannia Majoris Regno tanto studio premittitur Catholicorū & opprimitur, & nunc etiam post exactos Iesuitas Catholicorum immediati Sacerdotum secularium usu penitus priventur, & sic Regis autores Iesuitæ. clementissimi beneficio gaudere nequeant. Eandem calamitatem iidem Catholici non ante annos adeo multos, in Scotia Iesuitarum culpa perpeSSI sunt. Cum enim illorum nonnulli in Regno Scotia conjurationis cujusdam, quæ contra Regem ibidem à Paulo Crichtonio Iesuita in Hispania instituta erat, tabulas hinc inde inter Romanæ Confessionis homines clanculum circumferrent, quibus illi subscribere debebant: Re prodita, ex primaria Scotia Nobilitate complures, qui hætenus ceu columnæ religionis Romano Catholicæ in prædicto regno fuerant, extremum vita fortunarumq; omnium discrimen adierunt. Sed & reliqui Catholici omnes, cum ipsa Religione, cui Rex antehac non admodum adversari videbatur, in justissimum Regis odium incurrerunt: Ea ratione ut in hunc usq; diem miseri illi facinoris Jesuitici penas luere cogantur.

Et quid aliud Hungaros & Transsylvanos non ita dudum ad eum modum exacerbavit, ut unâ cum Jesuitis, omnes Catholicos Sacerdotes, quos nancisci potuerunt, malè tractatos, ex finibus suis expulerint, quàm importunus ille Jesuitarum fervor? Dum hi supremi Magistratus auctoritate & favore freti, reliquias libertatis prædictarum provinciarum tanto impetu invadunt, ut incolæ, qui hætenus omnia pertulerant, has ultimas Jesuitarum injurias perferre nequiverint, & extrema potius remedia arripuerint. Ad quod eps haud dubiè vicinarum provinciarum perspecta calamitas animabat. F etiam

etiam de Polonia dubium nullum est, quin & inter nos aliquando rebus turbatis Catholica Religioni magnum aliquod infortunium sint conflaturi: Siquidem diutius inter nos conversari debeant. Cujus rei hæc abundantissima causa jam nunc præstò est, quod hinc livor illa, quæ nobis tantopere commendatur, docendi facultate non contentus machinationibus suis publicam Magistratus auctoritatem prætendit. Quæ res ut fortè plebeculam territat, ita cordatiores quoque vehementer offendit, studia eorum suspecta facit, & quod iniquissimum est, Magistratum sicut & ipsum Clerum publico odio exponit, ejusdemque auctoritatem subditis contemptibilem reddit. Hæc igitur Catholica Religionis damna si cum profectibus comparentur, quos Iesuitæ intra Europam & ejusdem propagatione fecerunt, tantum fortassis vix superfuturum est, ut gloriabundæ illorum jactantiæ respondeat.

Veruntamen ut hujus etiam infortunij culpam eis condonemus, si doctrinam Iesuiticam per se & extra hos excessus æstimemus, in eadem nihil, quod tanto præconio dignum sit, deprehendetur. Religio enim vel voce, vel honesta vitæ conversatione vel scriptis propagatur & defenditur.

Iesuitæ quales
Concionatores.

In concionibus ut plurimum Iesuitæ subriles, disertæ, & in concitandis affectibus acres, vehementes & impetuosæ esse cōsueverunt: ut imbecilles et incautos animos movere & percellere possint. Hæc autem qualescunque dotes, quæ in sincera Pietatis schola non perinde æstimandæ sunt, corrumpit & cordatioribus suspectas facit primum Elocutionis sive actionis (hanc quidam hypocrisis vocari dicunt) gesticulatoria levitas, nimiumque fucandi sermonis studium: Et, qui sub hoc præluce, ardentissimæ ambitionis affectus. Quorum utrumque nescio quid fucatum & non Apostolicum sapit.

Deinde deformat eos ista inexhausta calumniandi & convician-

viciandi libido, qua plerumque in adversarios debacchantur. Idque tantum ut plebis animos incendant atque exasperent: Cum interim adversarios, quos lucrari debebant, magis indurent. Me quidem hæc ita offendunt, ut vilissimi pagi Parochum interdum concionantem audire malim, quam, qui in universa Polonia inveniri queat, disertissimum Iesuitam.

Ad confessionarium artificium quod attinet, non inficias Disciplina
Confessionaria. eo, hoc venationis Iesuiticæ præcipuum instrumentum & per quam commodum rete esse. Neque tamen hoc ipsum tam cautè hætenus disponere potuerunt, ut illa omnium arcanorum per- scrutatio, peccatorumque interdum non pudicum examen, cum satisfactionis illa insidiosa multoties etiam avarâ impositione non plurimos offenderit, & à Catholica communione ita repulerit; ut ab eadem propter ipsos præcipuè Iesuitas penitus abhorreant. Sentit hoc jam in vicina nobis Moravia Præsul Olmucensis, sub cujus nomine Iesuitæ libellum quendam ibidem typis excussum ediderant, in quo pro Confitentium instructione Cathalogus peccatorum cum discretione venalium & mortaliū recensetur, secundum distincta vitæ communis officia: Quando ejus libelli abominandæ spurcitie (: ab amicis propterea admonitus :) post aliquantò diligentius perpensâ pudore victus eundem, ut Christiana confessionis minimè ferendum, omniq. luce indignum opprobrium, precio plusquam decuplo passim redimere & penitus suppressere conatus.

Quantum ad vitæ conversationem, eam quidem hætenus ita instituerunt, ut nimis conspicua illa vitiorum ulcera, quibus Clerus antehac turpiter deformatus, Laicisq. exosus redditus fuit, studiosè vitarent. Neque tamen in hoc etiam proposito tam constantes aut circumspecti fuerunt, ut non in opposito arboris scientia boni & mali fructus se in iisdem proderent. Dum enim ab una parte miraculosam quandam vitæ continentiam, An-

gelicam castitatem, Religiosâq; pietatis devotum studium ostendant: ab altera parte profunda avaritiâ tam dira lues, & circumveniendarum Nobilium familiarum, Viduarumq; & Orphanorum decipiendorum tam callidum artificiumprehenditur, ut hoc ipsum prudentioribus, in hominibus tam religiosi summa admirationi fuerit. Ut interim superiorum Iesuitarum artium intactum Chororum hec relinquam, de quibus tam multa jam dicta fuerunt.

Scriptio Iesuitica.

Restat scriptio Iesuitica, in qua ferè summus Instituti huius excellentiæ gradus constituitur, nec id prorsus vanum censi debet. Negari enim non potest, dictionis Iesuiticæ characterem per se tersum & argutum, Orationem autem, si artificium spectes, floridam & nervosam esse. Quæ scriptiõis virtutes ad illectandam & capiendam Juventutem non exiguam vim habent, quæ etiam Iesuitas, harum præcipuè rerum admiratione, suscipere & sectari solet. Qui verò serio pietatis studio afficiuntur, hæc tanto minus curant, quanto in hisce rebus nimia Iesuitarum affectio evidentior est: non aliter quàm si omnibus veteribus & recentioribus Sophistis, aut ipsis etiam triobolaribus rabulis palmam vellent præripere. Veritatis autem sermo simplex est & esse debet: Imprimis autem Christianæ religionis tractatio huiusmodi fucata & colorata orationis lenocinia adversatur & rejicit, tanquàm corruptarum & prurientium aurium non satis castum delinimentum.

Prudentissimi deniq; , quiq; incorruptissimè judicant, sic sentiunt: Iesuitas suis hætenus argutis & concitatis scriptis eatenus saltem profecisse, ut Catholicos suos inflammatos concitaverint, partim verò Adversariam acuerint & obfirmaverint. Ut sic bellum illud religiosum, quo ceu Causone quodam Europa adhuc amburitur, tanto periculosius exarserit, quemadmodum nostris ipsimet oculis cernimus,

Quod

Quod autem de Barbarorum in utraq; India conversione pro Iesuitis adducitur, illud ex ijs locis petiitum est, ex quibus aliquis non solum verum dicere, sed etiam securè mentiri possit: In Polonia præsertim & in illa explorationis difficultate, postquam Castilienses & Lusitani nullum extraneum in illas regiones admittunt: Ideoq; his nihil aliud quàm vulgatum illud respondeo: En Rhodus. En saltus.

De hæreticorum in terris conversione rem non prorsus Iesuitarum nego, ut de qua oculorum aspectus testetur. Opus tamen ipsum aurea & argentea argumeta, non tam doctrinæ Iesuiticæ extraordinariæ virtuti, quam argentea argumentorum aureorum & argenteorum ponderi ascribendum censeo, quibus ferè utuntur, quorumq; perennem copiam eis Ecclesiæ Romanæ favor, Aulæq; Polonicæ jucundus calor sufficit: Inter quæ tamen hæc inter nos quandoq; vitrea concurrunt, pro quibus alibi in vicinia ferrea substituant. Quod genus Conversionis Paulus Apostolus haud dubiè Eversionem seu potius Corruptionem dixisset.

Ad rerum Muscoviticarum successus quod attinet, illi re vera nobis hætenus non citra fastum ostentati sunt: quorum etiam præcox spes gentem Iesuiticam ad eum modum inflavit, ut omnia sibi deinceps contra Clerum, Nobilitatem & quoscunq; alios licere putaret. Qualia verò nunc ex ijs locis per repetitos nuncios afferantur, nemini hodie ignotum esse arbitror. Iesuitas tamen videmus & audimus omni narrationi acerrimè contradicere, quod ipsum indicio est, rem ipsorum ibi actam esse, & adhuc agi, ut quicunq; tandem eventus (utinam bonus) secuturus sit, non alijs principaliter eum quàm ipsismet imputare possimus. Quale autem meo ab initio, quamprimum consiliorum istorum aliquid in vulgus emanavit, de molitionibus illis iudicium fuerit, multis magni nominis Viris, quibus cum sermonem ea de re contuli, notum esse scio. Ipsi nempe cau-

F 3

se in

sa in genere melius fundamentum optabam. Deinde rem per se periculi plenam esse aperte profitebar. Horatianum illud de Conatibus hisce subinde usurpans :

& arma.

Nondum expiatis uncta cruoribus

Periculofum plenum opus aleæ

Tractas & incedis per ignes

Suppositas cineri doloso.

Deniq; sic prae me semper tuli, si Jesuita negotio huic se immiscerent, nullum ejus bonum eventum expectandum, hos enim omnia turbaturos. Et si res felicissimè cadat, Imperium illud ab ipsis perturbatum, & motibus intestinis replectum iri, qui nobis fortassis tempore non æquisimo negotium facessere possent, quemadmodum in Suecia nobis non ita dudum accidit. Quàm verus autem aut falsus in his omnibus fuerim, utcunq; rei istius famâ hætenus studiosè tamen supprimatur, ipsum tēpus aliquando revelabit. Audio nunt quosdam mulsitantes Patres Societatis Jesu in ipsam etiam Persiam penetrasse, & nescio quem insperatum Regis istius favorem experiri. Quod si verum est, nemo ambigat, quin hoc etiam Imperium, per quod hætenus Othomanidis à tergo securis inijcitur, turbaturi & factionibus repleturi sint, ut Turcis hac ratione respirandi suiq; recolligendi spaciū præbeant.

Jesuita lu-
ventutis in-
stituendæ ar-
tificiosissimi
Magistri.

Religionis conservatrici propagationi subjungitur Instituendæ luventutis nescio quod occultum & exoticum artificium. Propter quod Respub. (: si utiq; Ecclesiæ jacturam hanc negligere possit :) Jesuitarum operâ carere nullo modo queat : Et hic prætextus superioribus æstimationis pōdere non multum cedit, cujus tamen Vanitatem Viri in omni disciplinarum genere exercitatissimi, qui Romano Catholicam religionem publicè profitentur & defendunt, jam dudum Orbi demon-

demonstrarunt : Ratioibus firmissimis evidenter ostendentes, Jesuitas primum & Jesuitarum institutum bonis literis & earum reflorescenti splendori plus offecisse, quàm ut easdem promoverint ; Ostendentes insuper disciplinam Jesuiticam meram corruptelam esse ingeniorum : quorum videlicet aciem retundat, & pro eo, quod illa liberali institutione informare & excitare debebat, quendam eis potius stuporem inducat. Et si autem probè sciam, quàm hoc etiam multis prorsus incredibile videatur, ego tamen aliquot hic præstantissimorum Virorum testimonia proferre possem, eorum inquam, quorum nonnulli in præcipuis hodie Reipub. officijs versantur. Quos non semel conquerentes audiavi, se coactas esse Jesuiticæ institutionis vicia aut peregrinando corrigere, aut eadem, postquam jã ad Rempub. animum applicaverunt, ipso rerum usu dediscere. Quorum judicio experientia ipsa adstipulatur, cum constet inter ipsos hereticos, quos hæc secta nempe à nobis pro talibus tractari & haberi vult, Viros inveniri in omni disciplinarum genere exercitatos, qui ad omnia Reipub. munia obeunda idonei essent, nisi invidia eos premeret : etsi Jesuitica Institutione nullo unquam tempore usi sint. Quomocunq; tamen hæc se habent, illud apud me fixum manet, si quæ Jesuitis hac in parte ab aliquibus tribuuntur omnia verissima essent, & ipsi in Poloniam nostram alteras Athenas importassent, illud tamen minus vile præcium esse æstimandum, pro patria libertate, quam pro hac operâ licitatur ; Cum præsertim eruditæ doctrinæ fructus aliunde non minus commodè quàm à Jesuitis habere possumus.

His tertio loco à nonnullis subjungitur : Jesuitas homines esse actuales, quorum in rebus arduis expedendis magna sit dexteritas, eximia fides &c. Multis hoc in ore est, qui pro Jesuitis nituntur, quos equidem admirari soleo siquidem sub hac Actualitate, ut eandem quam molliissimè inter-

Jesuitæ actu-
ales.

interpretantur, aliud nihil quàm civilem quandam industriam in expediendis negotijs poterimus intelligere, qualis scilicet in Aulicis ministerijs præcipuè requiritur. Sed Jesuitæ hætenus nihil minus videri volunt, quàm quod secularibus negotijs se immisceant, aut eorundem tractandorum periti sint. Ideoq; eos, qui tale quid de se spargunt aut credunt, vel pro apertis Hereticis vel PseudoCatholicis haberi jubent. Itaq; videant qui eos hoc nomine tantopere commendant, ut eos propterea retinendos censeant, quæ ratione hæc inter se concilient.

Ego interim Polonia milites potius & Aulicos, mihi verò Servitores Actuales, Ecclesiæ autem Monachos & Religiosos, pios, doctos, & devotos opto. Veruntamen, si, quod res est, fateri volumus Epiteton hoc Jesuitis nimis verè competit, de quo totus Orbis, imprimis tamen Europa adeò luculenter testatur; Et nos etiam hætenus Actualitatem eorum ita sumus experti, ut si inter nos ad hunc modum diu pergere debeant, de illis Comicum illud rectè usurpari possimus: Quod si annitantur, ex unis nuptijs geminas nobis effecturi sint, duplicato nimirum, quo in præsentia urgemur, infortunio.

Sed quid putabimus Augustinum reliquosq; istorum temporũ Patres de ejusmodi Actualibus Monachis fuisse dicturos? Aut quis etiam in secularibus negotijs tam demens fuit, ut in servo nequam veteratoriam calliditatem laudaret, aut exploratoris exteri solertiam ita commendaret, ut eum propterea sibi fovendum existimasset? Vos igitur Proceres hęc scire velim, ingenio præstante & versatili nihil perniciosius est,

Notate bene se, si vires suas ad res malas applicet. Ideoq; hanc ipsam Jesuitarum Actualitatem egomet inter justissimas metus nostritarum actualium causas refero, quæ nobis veterum excutere, nosq; ad seriam rerum nostratarum curam excitare debent.

Illud

Illud autem quod de expediendi dexteritate adijcitur, testimonio destituitur. Quid enim egregij natio hæc inter nos præstiterit, quidve tam dextrè expedivit, aut quod potius bonum non impedivit? Nisi fortè amissam Sueciam, devastatam Livoniam, afflictam Galliam, tentatam Scotiam, Anglicas confessiones, & tot nobilium hominum tragicum interitum, Venerianas practicas, Moscoviticæ turbas, perturbatam Vngariam, oppressam Styriam, Carynthiam, Carniolam, & quæ hætenus in Polonia ediderunt aulica Progymnasmata, pro Jesuiticæ dexteritatis operibus nobis sint habenda? At res quidem arduas aggrediendas & invadendas satis adhuc audax est hæc secta; audaciæ verò illius eventus is hætenus ubiq; sequitur, ut turba maxima ab illis excitentur: tales nimirum quales citra infinitifere sanguinis effusionem adhuc nec fisci nec sedari potuerunt.

Quem igitur hæc agendi dexteritas delectat, is videat & provideat, ne quid Respub. Jesuiticæ detrimenti in Polonia capiat. Nec id quod de illorum eximia fide prædicatur, certioris fidei est: Quod tamen illis fortè persuaderi poterit, qui vel Jesuitarum arcanas designationes prorsus ignorant, vel quibus illi alias os ita oblinunt, ut propter certas causas ad eorum palatum omnia dicant & faciant: Quod si tamen aliquis Jesuiticæ fidei Jesuiticam verbis extollere velit, dico eam, quanta quâdes Polonia ta est, totam exteris & citra ullum boni Polonici respectum, inutilis, additam esse, & arctissimè obligatam: Hujusmodi inquam exteris, qui etsi corpore à nobis absunt, Consiliis tamen & occultis machinationibus nimium interdum inter nos familiariter conversantur. Cum his ergo si nobis fortè aliqua controversia incidat, ecquid illi nobis de Jesuitarum fide polliceri poterunt? An non verò in Galliis, Anglia, Scotia, Vngaria, Venetiis, satis jam conspicua fidelitatis suæ documenta in publicum ediderunt, si ad nostraria utiq; cœcuvimus? Et quid in re

G

mani-

NB. NB.

Iesuitarum in rebus turbandis (expediendis dicere volebā) dexteritas.

manifestâ verbis opus est, cum nulla hodiè Europa Christiane natio sit, quæ non de Iesuitarum perfidiâ, aut saltem perfidia suggestionem & excusationem conquatur, si unam Hispaniam excipias.

His deniq; à nonnullis additur: Inconveniens esse, ut Iesuitas Poloni expellant, cum Galli, qui propter longè graviores causas eos ejecerant, eosdem revocaverint, ubi etiam citra ullum Reipub. incommodum juvant, &c.

Gallia Iesuitas recepit. Ego verò novi Iesuitas in Galliam reversos esse, sed quod à Galliis revocati fuerint, ne ipsi quidem, quamvis multa dicant, facile dicturi sunt. Interim verò artes, quibus se in Galliis denuò insinuarunt, tales sunt, ut propter illas ipsas ejectionem eorum inter nos maturandam existimem. Ex illis enim liquidissimè perspicitur, quantum hic genius intra Europam, in versando & circumagendo rerum Civilium cardine polleat. Hoc enim sciendum, Iesuitas in Galliam non propter aliquem eorum usum, quo Regnum illud carere non posset, receptos esse: sed ad vehementissimam summi Pontificis instantiam: Quem videlicet Rex in tam infida cum vicino potentissimo pace offensum volebat: Cui tamen serium Catholicismi studium vix probaturus erat, quamdiu Iesuitas Regno arceret. Interea ne illud quidem dubium est, Eos, qui summo Pontifici in illa restitutione promovenda operam suam apud Regem præstiterunt, majora Romæ præmia consecuturos esse, quam omnes, quicunq; hætenus Reipub. militarunt: Quamvis non desint qui existiment Henricum IV. hac etiam ratione securitati suæ cōsulere voluisse, quod aliàs à Iesuitarum ejectorum insidijs nunquam tutus esset futurus. Quod autem hætenus pacatè dicuntur vivere, id si verum est, admirationem meretur, quantumvis causas gravissimas habeant, cur se in tam recenti ante a-

Iesuitæ cur in Gallia pacatè vivant.

florū memoria ad tempus cohibeant, sub illius præsertim Regis im-

gis imperio cuius auctoritatem, quam sibi rebus gestis comparavit, non immerito verentur & metuunt. Quid autem futurum sit, si præsentium rerum Gallicarum capiti aliquid humani accideret, rerumq; administratio, ut antehac factum meminimus, ad minores hæredes devolveretur, facile erit divinare.

Cum verendum sit, Galliam tum commissi in recipiendis Iesuitis erroris effectum cum suo magno malo sensuram. Nos vero hætenus causa nulla per DEI gratiam urget, ut Gallo- rum similes facti tam ambigui jactus aleam subeamus.

Hæc ferè pro Iesuitis ab ijs afferuntur, qui persuasi sunt nec Remp. nec Ecclesiam gentis istius operâ commodè carere posse. Præter quos etiam alij sunt, qui etsi Iesuitarum acta omnium miminè probent, in eosdem tamen nil gravius statui patiuntur, quod hoc citra maxima Reipub. incommoda ne tentari quidem posse existiment.

Itane Fratres res nobis jam cō redierit, ut aut Iesuitæ Iesuitarum & Iesuitismus tolerandi, omnesq; illorum machinationes cum religioso motu præsentis Reipub. periculo perpetiendæ sint, aut extremū destitue parum rerum discrimen adeundum? Vbi ergò tunc manebunt illa fidendum. Ordinis istius elogia, quibus ab initio nobis commendati sunt? Quod homines sint innocētissimi, pacifici quod spiritualibus cōtemplationibus toti addicti, in quibus Poloni hujusmodi prorsus Clericos habituri sint, quales jam dudum desideraverint? Ab his ergò talibus ecquid nobis timendum erit?

Ego tamen jam dudum novi, Bilem hanc citra molestiam ex Reipub. corpore nunquam evacuatam iri, postquam jam nostrâ incuriâ ad viscera tam altè penetravit, ipsasq; præcipuè vitales partes tam arctè obsedit. Existimo tamen periculum aliquantò minus futurum, quam plariq; sibi imaginentur.

Quæ enim incommoda nobis narrant, quæ Iesuitarum expulsi-

Incommoda
quæ Iesuitarum
expulsionem secu-
tura sint.

pulsionem secutura sint? Sunt Pontifex, inquiunt, & Hispanus, gravissimè offenduntur. Magna profectò numina, quorum ira nobis haud leviter æstimanda est? Quid enim de Polonia futurum existimabimus, si Saturnum & Iovem Europæum tam malè dispositos habeat? Ego verò hæc servi illius Comici expostulatione uti possem: Possum nescire, quot mihi hæc Domini perferendi sunt?

Ne tamen nimis alicui confidens & securus videar, de utroq; aliquid dicendum erit.

S. Pontificis
offensio.

Ad Pontificis itaq; offensionem quod attinet, de ea quidē nullus dubito, quin nimis cerò secutura sit, agnosco etiam eam nobis formidandam esse. Cum verò à Iesuitis longè graviora cogamur metuere, existimo hanc indignationem Polonis non nimium pertimescendam. Spero etiam ad eandem avertendam legitima media nobis non esse defutura. S. enim Pontifex aut bonus est & talis, qui memor sui officij, Regni Poloniae, æquè ac omnium aliorum Christianorum regnorum optimum statum promotum ac conservatum cupiat. Cum tali itaq; sperandum esset nobis facile conventurum, si nempe missis legatis ei ad oculum demonstraverimus Rem Polonicam, nec cum Iesuitis, nec cum Iesuitarum hactenus usitatis artibus, consistere potuisse. Nec dubito, quin is tempori cessurus, Reipub. facile remissurus sit. Aut idem malus talisq; est, qui suæ tantum libidini, citra ullum Reipub. aut æquitatis respectum indulgeat, omniaq; prius sursum deorsum ferri patiat, quàm ut quod malè ceptum est, corrigi sustineat: Tum verò iram ejus ne curandam quidem existimo: Neque enim ulla vel divina vel humana Lex Polonos obligat, ut aut suum ipsi periculum sibi sciencies accersant, aut Summi Pontificis injuste sibi præjudiciali voluntati, se per omnia conforment.

Qua in re si meum alicui Iudicium suspectum esset, Majorum

rum exemplis erudiri se patiat, ut cogitet, quid ipsi in simili casu fecerint. Cui enim ignotum est, quanta animorum contentione Romani Pontifices olim Crucigeros contra Regnum Poloniae defendendos susceperint, quàm atrocità Regibus nostris plerumq; minitanti sint; Resq; tandem eò processit, ut circa annum 1456. si Aeneas Sylvij Epistolis credimus, Romæ excommunicatio contra Regem Regnumq; Poloniae decretata fuerit. Neq; tamen hisce minis, quàmvis ipsius etiam Imperatoris Friderici III. indignatio eas acueret, ad eum modum perterriti se passi sunt Majores nostri, ut nō potiore salutis Reipub. quàm indignationis Pontificiæ respectum habuerint. Ovū autem ovo tam simile nunquam esse poterit, quàm benè Iesuitarum institutum, mores & actiones cum Crucigerorum ordine rebusq; gestis conveniunt.

Nam ortus ratio & occasio ferè eadem utrobique fuit: Vtrumq; institutum ad unum eundemq; finem, per diversa saltē media, fuit directum: Forma Politicæ exceptis paucis Circūstantiis eadem fuit: Vterq; ordo progressus longè celerrimos fecit dilatataq; per eos Christiana Religionis & imperij laudem tulit: Vterq; tandem à seipso ita degeneravit, ut ijs, pro quorum defensione instituti fuerant, graves & molesti esse ceperint.

Differentia saltē in eo consistebat, quod Crucigeri professione milites erant, remq; apertis armis contra Majores nostros gererent, quorum legitima remedia Polonis nunquam deerant:

Hoc verò malum intra viscera nostra hærens ijs artibus nos oppugnat, quarum Polonia ante hac prorsus imperita fuit. Quæ res facit, ut existimem, eos nova illius Sæctæ institutum omnium rectissimè æstimare, qui Iesuitas Crucigerorum spurios dicunt. Cum itaq; Majoribus nostris olim nec indignatio nec auctoritas obstiterit, quo minus Crucigerorum inju-

Majores olim
nostri Reipub.
salute nihil
antiquius ha-
buere.

Iesuitæ Cru-
cigerorum
spurij.

rias acerrime vindicarent, regnum tuerentur. Cur in simili casu huiusmodi spectris nos terreri patiamur? Sin tamen hac alicui forte nimis antiqua viderentur, illi recentius exemplum habent, quod Avorum memoria accidit.

Albertus
Brandenburgicus.

Sigismundus I, quem inter optimos suos Reges Poloniae non immerito recenset, quem etiam Romana sedes adhuc pro gemino obediencie filio agnoscit & predicat, Albertum Brandenburgicum cum ditione Borussia in fidem ac clientelam suam recepit tunc, quando propter abdicatum Crucigerorum Ordinem, & desertam Religionem Romanam non solum à Pontifice, sed ad huius instinctum ab imperio Romano sub potentissimo Imperatore Carolo V. excommunicatus & proscriptus erat. Aula tamen praecipue Romana fremebat & indignabatur, quod tota Borussia hac ratione ab Ecclesia in utroque foro abalienaretur. Nec Sigismundo parsura fuisset, si excommunicationis aliquem potentem executorem potuisset habere: Hic enim desiderabatur, quod tamen is suusq; deus tulit. Et quid ego de Regibus dico, cum nostra hac aetas ejusdem magnanimitatis & egregiae fidei illustre exemplum in ipso Regni primatu habuerit? Fuit is Iacobus Vchansky Archiepiscopus Gnesnensis, cui, cum S. Pontifex Excommunicationis telum intentaret, quod animadverteret, eum in Consilijs publicis majorem salutis Patriae, quam sedis Romanae respectum habere; Is se adeo non passus est à proposito dimoveri, ut Pontifici potius rescrisset, se si pergeret ei Reipub. nomine molestiam exhibere, intentatum fulmen in ipsum retoriturum. Quo responso ictus Pontifex Archiepiscopum missum fecit, ut qui nosset, hoc ei in Polonia facilius factum, quam dictu fuisse.

Cujusmodi libertatis Spiritum, si ex illius successoribus hodie sub hac inquam Jesuitica animorum dispositione, aliquis sibi usurpare praesumeret; Ecquid vos Proceres de eo futurum

rum putatis? Annon ille quantocumque ad Patres ire cogeretur? Hae igitur masculae Virtutis exempla, quoties in Majoribus nostris considero, toties admirari cogor, quae res hodie, nostratum Praelatorum animos ita immutavit, ut in multo levioribus casibus tantas sibi difficultates imaginentur. Dum interdum S. Pontificis nescio quae Regalia allegant, quae inviolata retineri volunt. Non aliter quam si Polonia jam duos Reges haberet, unum Cracoviae, alterum Romae. Dum etiam Exterorum offensiones saepius ultra modum allegant & exaggerant, Reipub. se tam difficiles praebent. Quemadmodum jam aliquoties in deliberationibus de Moldavia, Wallachia, & tandem etiam Transylvania fieri vidimus. Ideoque sic tandem existimo: Eos qui à S. Pontificis offensione sibi tantopere metuunt, siquidem Jesuita paulo durius tractari deberent, eo ipso satis demonstrare, quam frigidè erga Reipub. affecti sint, & suspicionem de se non exiguam praebere, quod privata commoda illis Patriae salute potiora sint. Quales si Majores nostri fuissent, Borussia à nobis hodie carendum, & in hanc usque diem cum Crucigeris colluctandum esset. Sed & hanc scrupulosam in hoc Ordine conscientiam, nulli rei hodie, quam Jesuitica, de qua dictum est, dispositioni debemus.

Vbi tamen mirari cogor, quid hi, qui eis hac in parte tantenus astipulantur, ut S. Pontificem nulla jure offendi patiantur, posteritati aliquando responderi velint, si nempe illa ex nostrorum temporum historia resciscat, Reipub. Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti Constitutiones, pro libertatis suae defensione Jesuitas ex Dominio suo universo expulisse, & intentatam propterea S. Pontificis Excommunicationem, usque ad aperti belli periculum contempsisse: Cum interim Majores sui in Polonia libertatis alumnus meticolosi fuerint.

Quod

Clerus Polonicus à Jesuitis corruptus.

NB.

Quod si etiam in hisce rebus nos ad eum modum à summi Pontificis arbitrio patiemur suspēdi, Polonorum conditio multò deterior, adde & servilior erit futura, quam ipsorum Moscorum: qui in consiliis publicis nulla alia quam ipsius Principis Reipublicæ Regalia respectant & attendunt.

Hispani offen-
sio quanti Po-
lonis in hoc
casu esti-
manda.

Ad Hispanum quod attinet, Ego non video, quæ ei iusta offensionis causa à nobis præbeatur, si nos nostræ Reip. pro nostrarum rerum exigentia, pro virili studeamus consulere citra ullum eius præjudicium? Cur etiam illum magis offendat, quòd nos Jesuitas expellimus, quàm nos hactenus offendit, quòd ipse Eos, ut sibi commodos, tam indulgenter fovet? Quid si verò Rex Hispaniæ Rex Poloniæ audire vellet (quod equidem quo minus ad libitum consequatur, per Jesuitas non stabit) num ad cavendum eius indignationem hoc ei concedendum esset? Si deniq; eo nos demiserimus, ut domi nobis nihil agere aut tentare liceat, nisi quod Aureo Velleri probetur, æquàm Rempub. in Polonia habituri sumus?

Verum hic nonnulli adhuc pergunt excipere: Iniquum esse, ut Jesuitæ, inter quos non pauci Nobiles sunt, nec auditi, nec legitime convicti regno expellantur: Itaq; eos in jus vocari prius, causamq; cognosci volunt &c. Et hoc aliquid, quod dicitur, quodq; apud omnes bonos justiq; ac æquitatis amantes tantò plus meritò valere deberet, quantò multorum hodie in torquendo corrumpendoq; jure audacia magis conspicua est. Hic tamen exceptio illa locum habere nequit, propter causas, quæ sequuntur:

Primum enim in iis, quæ Reipub. salutem concernunt, non semper necesse est Ordinarium Juris Processum tam superstitiosè observare, quàm pacata Repub. fieri consuevit: quando videlicet Reipub. status hujusmodi præsentem opem flagitat, ut periculum in morà futurum esset.

Deni-

Deinde hic non in certas personas agitur, aut de Facti alicujus Jure queritur, qualis nempe illa super Judeorū Bochnienensium scelere questio fuit, quæ hic pro exemplo adducitur: Sed hic de incommodi & detrimento Reip. queritur, quæ ei ex Jesuitarum instituto semper metuenda sunt, si personæ ipsæ puri Angeli essent. Hoc igitur qua ratione in jus vocabimus?

Tertiò scire velim, quod Forum Jesuitæ in Polonia, quem Iudicem agnoscant, cui ve juri se submittant, ex quo contra illos agi queat? Miror deniq; quem ampliorem aliquis in Polonia Juris Processum desideraturus esset, quàm si totius Equestris Ordinis Deputati publicè convenientes unanimiter decernant, Institutum Jesuiticum contra Rempub. Libertatemquæ Polonicam venire, eiusq; abrogationem à Regia Majestate flagitent? Qui inquam his suffragiis condemnatur, num is parum legitime condemnatus censebitur?

Deniq; & hoc à nonnullis hic obijcitur, Etiam domi & intra parietes multos offensum iri, cui aliqui adjiciunt: Si Jesuitæ extra Regnum proferri debeant, etiam alios, & illos præcipuè Evāgelicorum ministros, unā exturbandos &c.

Ad prius quod attinet, de multorum intra domesticos parietes offensione, ego Primum nescio, quinam illi multi futuri sint, quorum offensionem nobis tam periculosam imaginari debeamus, si præsertim reliqui Cleri securitati caveretur? Cum enim hec nihil aliud, quàm salus Reipub. eiusq; in longum pro-
pagatio queratur, nemo hinc tumultuandi occasionem habere poterit, nisi fortè fortunas suas cum Jesuitis ita conjunxerit, ut cadentibus illis ipse stare nequeat. Et hi ferè illi sunt, qui
Quibus ferè
Jesuitarum
expulsio om-
nium ingra-
tissima sit.

eis omnium molitionum & consiliorum, fortè etiam contra Regnum sunt conscij. Et quamvis verendum est, eorum plures esse, quàm expediat, ne horum tamen offensio nobis perinde

H

asti-

56.
estimanda est: Cum nemo dubitet, quin bonorum Civium, qui Reipub. salvam cupiunt, multò major pars in omnibus Regni partibus futura sit.

Sed estq, ut hęc fortè nobis aliquid molestiæ sustinendum esset, nùm propterea Medicinam respicimus? Quæ purgatio ægroto unquam tam feliciter cessit, ut non aliquid ex illius operatione torminum senserit? Quod si Jesuitarum expulsionem illos fatales tumultus avertere & præcavere possemus, qui hætenus plerasq, Europæas Provincias tam duriter afflixerūt, quo de egomet planè sum persuasus, Resnè digna censebitur, propter quam etiam commodi aliquid patiamur? Si publicæ Libertati, si regno nihil periculi est, si privatorum corpora & fortune in tuto sunt, ecquid tumultuamur? Cur exterorum insidias & conspirationes metuimus? Sin verò hæc omnia nobis ita imminant, ut Jesuitarum si non principales Autores perniciosos saltem Actores, Promotores & Internuncios noverimus, ecquid amplius cunctabimur?

Inprimis
pacis publicæ
perturbatori-
bus nō perso-
næ sed factū
respiciendum.
Ad alios verò Evangelicorum præsertim ministros quod attinet, si in eadem turbata & oppugnata pacis publicæ cum Jesuitis hærent, nil equidem causæ, quo minus & illi, & quicunq, crimini huic quocunq, modo affines deprehenduntur, cum eis expellantur. In suspitione enim turbata Reipub. neminem quodcunq, vitæ genus tueri potest, aut eidem patrocinari debet.

Ministrorum
Evangelico-
rū intra re-
gnū conditio.
Sed nunquid hæc res cum re, aut causā cum causā conferri poterit? Quemnam Pontificem aut Hispanum ministri illi intra aut extra Regnum habent, cui hunc agrum arent, aut serant, ad quem eis rebus hæc perditis perfugium pateat?

Quales etiam in Aula & circa Reipub. clavam illorum partes sunt, aut in æternum esse poterunt? aut quæ prædia hi in detrimentum Nobilitatis coemerunt? quasve immunitates in frau-

57.
in fraudem Reipub. consecuti sunt? Et quæ etiam illorum vires sunt, propter quas Reipub. formidabiles aut saltem suspecti esse debeant? Quorum divitiæ ferè omnes in lacera & detrita ut plurimum Reverenda, ut nostrates loquuntur, & Bibliorum, adde si res lauta est, Augustini Codice, nudaq, & numerosa prole consistit.

Ipsi deniq, Evangelicorum Ministri, an non uniuscujusq, pagani Præsidi superioritatem agnoscere, eidemq, se sistere coguntur? Collatio itaq, hæc prorsus inepta, adde & ridicula est.

Sunt fortassis & alia, quæ pro Jesuitis ab illorum Fautoribus nobis obijci poterant, sed ea vix majoris momenti erunt, quàm quæ jam allata sunt. Ideoq, hæc sufficient, ex quibus reliqua facile dijudicare poteritis.

Ex his ergò, quæ hætenus demonstrata sunt, firmiter concludo: ijs qui hoc tempore Remp. restitutam, sanatam & imposterum salvam esse cupiunt, si ordine procedere, si laborum suorum aliquem fructum sibi polliceri volunt, ante omnia operam esse dandam, ut Iesuitæ extra Regnum abigantur, sed ita ut abacti obdito pessulo à reditu prohibeantur. NB. NB.

Expulsa autem & expugnata hac acri & ardente bile, Expulsi-
Morbi nostratis paroxysmus in genere & paulatim lenietur, Iesuitarum
reliquæ partes affecta. Clerus præcipuè sanabilis, & tractabi-
liores reddentur, poteritq, quod luxatum est, per ocium, citra
gravioris alicujus symptomatis metum curari & restitui. qualis effe-
ctus speran-
dus.

Quamdiu verò hic incendij febrilis fomes intra Reipub. viscera retinebitur, nulla nobis salutis & securitatis spes relinquetur. Quodcunq, enim machinabimur, quibuscunq, emplasmatis vulnera ligare & obducere studebimus, opera & oleum nobis peribunt. Malumq, in hac Corporis Polonici Catocbi-
miâ, ad levissimam quamq, occasionem recrudescet. Neq, enim
H 2 Iesui-

Iesuita licet omnia cetera sanentur ad Regni Polonia Legumq; Polonicarum similitudinem in aeternum reducentur, aut illa sub hoc, qui adhuc qualitercunq; durat, statu probent.

Particularis
purgatio quo
modo secun-
dum nonnul-
los instituen-
da.

Ideoq; ne eos quidem audiendos censeo, qui ut res minus infidiosa sit, non universalem purgationem censent instituendam, sed partes tantum bilis istius detractionem, & imminutionem faciendam putant: Verbi gratia.

Sunt, qui eos tantum extra Regnum propellendos existimant, qui vel clandestinarum machinationum contra Regnum cooperatores, aut saltem conscij fuisse deprehenduntur, vel quarum seditiosus fervor publicae paci praecipue periculosus censetur. Sunt qui hanc Iesuitismi diminutionem à locis incipientem suadent. Ut nempe ex primarijs Regni Urbibus, aut ubicunq; ab eis Republicae insigne aliquod periculum metuendum esset, removeantur. Sunt deniq; qui putant, publicae securitati sufficienter prospectum iri, si latius legibus intra arctiores carceres redigantur. Haec igitur Consilia paucis discutiamus.

De his primum in genere sic dico: Cum quacunq; Iesuitarum offensione, siue eos in universum expellamus siue audaciam illorum ad certam quotam restringamus, Pontificiae indignationis invidiam nobis ex aequo metuendam esse: quam tamen pleriq; omnium maxime cavendam censent.

Particularis
expurgatio-
nis incom-
moda.

Hoc saltem discriminis erit, ut si partem aliquam Iesuitismi intra viscera retinuerimus, tanto plus nobis periculi ab eodem Pontifice futurum sit. Cum igitur cum particulari offensione tantundem difficultatis subeundum sit, quantum cum totali expurgatione, cur non hanc ut utilissimam & certissimam preferemus? Imò hanc ergò omnibus hic ceu maximam praescribo. Iesuitas facilius ex Regno expulsū, quam intra Regnum in ordinem redactum iri.

NB.

Dico

Dico amplius, eos vehementer errare, qui sperant Bilem hanc ita cautè posse moveri, ut non proxime exardescat & exasperetur. Et ut non omnes vindictae occasiones studiosissimè conquisituri sint, quodcunq; fortè ad tempus, propter praesentem necessitatem simulent:

Quae occasiones intra & extra Regnum ingenijs istis nunquam defuturae sunt. Quod si ergò resumpris aliquando animis & viribus, denuò aliquid, & fortè periculosius quiddam moliantur, quid tū factū opus erit? Num quotannis in Iesuitarū gratiam Generalem Rolcoſ celebrabimus?

Deinde in specie ijs, qui nocentissimum quemq; ex Iesuitis exterminandum censent, responde: Nec causam nec culpam earum rerum, quarum Iesuita insimulantur, ita partiri & separari posse, ut altero alter mitius aut durius tractandus sit. Sic enim jam ostensum est, Sectam hanc tam arcte inter se compactam esse, ut totum corpus, & cum hoc omnia eius individua membra, in harum praecipue rerum praxi, de quibus nobis sermo est, in unum conspirent, & ad unum scopum mente, corpore fortunisq; ferantur.

Iesuitarum
omnium a-
qualis culpa.

In una itaq; eademq; culpa omnes aequaliter haerent: differentia, si quae est, in ingeniosarum saltem virium inaequalitate consistit, ut quod unus aut alter fecit, omnes facturi fuerint, si vires aut occasio non defuissent. Nec credo audicim esse, ut Iesuita aliquis à tribulibus suis, ob quodcunq; etiam detestandum facinus publicè damnatus, aut etiam reprehensus sit.

In hoc enim genere non peccant, dummodò facinoris perpetratio in illum finem dirigatur, quem Iesuitis in specie propositum esse ostendimus.

Quod autem de nonnullorum seditioso fervore assertur, illud per se speciosum est: Ego tamen sic existimo illos nondum pessimos, aut etiam Reipub. periculosissimos esse, qui Polna-

H 3

nia,

Iesuitarum
studia que
nocentissima.

nia, Cracoviae &c. nullo prorsus habito respectu S. M^{is}. R^e.
presencia aedes exurunt, Cœmeteria invadunt, sepulcrorum
corpora resossa immaniter violant: (contra hanc enim rabiem,
licet in hunc usq; diem impunita manserit, vel tandem reme-
dium aliquod invenietur) sed illas potius vulpeculas nobis ob-
servandas censeo, quæ per sudetas, montes Alpiumq; juga hinc
inde commeantes, Exoticarum artium Spiritum ferunt & per-
ferunt. Deniq; remedium hoc, si tam benè caderet, ut nocen-
tissimi qui sunt, exterminaretur, nos tamen, saltem ad tem-
pus relevaret, tam diu nimirum, donec his alij septuplo pejo-
res submitterentur. Num verò hoc satis justum operæ precium
censeri debeat? illius inquam operæ, quam Reip. tantis sum-
ptibus, tanta Nobilitatis defatigatione, nec sine nostro pericu-
lo prestare conamur.

Qui verò eos ex Aula & primarijs Regni urbibus expel-
lendo suadent, illi quidem aliquantò fortius consulere viden-
tur, sed non multò plus, quàm priores proficiunt. Videntur qui-
dem certas Reipub. partes nonnihil sublevare, videntur etiam
Jesuitis præcipuè nocendi occasiones ea ratione præcidi. Egoq;
jam dudum ita, persuasus sum, Nullum gravius in Rempub.
peccatum à nobis commissum esse, quàm quod Jesuitis in hisce
regni arcibus, ad expediendas suas machinas tantum spaci-
j concessimus. Id quod fortè cum demum sensuri sumus, si aliquid
fortassis periculi, à Meridie & Occidente nobis ingrueret.

Secundi con-
silij absurdi-
tates.

Hæc tamen admirari cogor, quibus rationibus Consilij hu-
jus auctores ducantur, quod in Reip. curatione potius Vr-
bium quàm Equestri Ordinis, ipsiusq; ad cō Cleri respectum ha-
beant? Itaq; eos libenter interrogarem, quid putent singularis
auxilij ad Remp. rediendum, si primariæ Regni Civitates ex-
onarentur, & pestis hæc interim liberè in Nobilitatem grasse-
tur? siq; peregrinismo huic liceat reliqui Cleri animos continē-
ter sollicitare, & in transversum agere? Ecquam illi tū re-
bus

bus nostris spem securitatis faciant? Hi ergo in eo periculosè
falluntur, quod existimant Malum Jesuiticum intra Urbium
œdificia contineri, ut ibidē saltem, aut tantū potissimum Reip.
noceat. Cum hæc primum ipsius Aula, ut ostensum est, deinde
publica animorum pestis sit, à quo Nobilitati & Clero & per
hos demum Reipub. præcipuè metuendum sit. Quin immò, dum
Jesuitas in universum extra Regnum propellendos suadeo, in
eo Cleri Polonici quàm maximum respectum habeo, cujus ex-
cessus non aliter quàm bilis hujus ferventis subtractione corri-
gi posse existimo.

Propter Cle-
rum Iesuitæ
præcipuè sunt
expellendi.

Ex his ergo iterum perspicitur, ne hujus quidem Consilij
eum inter nos effectum sperandum esse, quo nobis ad res nostras
componendas & firmandas opus est.

Restant ij, qui Jesuitas non solum ex Aula removendos,
& ex Urbibus expellendos, sed etiam latis legibus intra Mo-
nachorum claustra redigendos, & Ordinariorum jurisdictioni,
(hoc enim à nonnullis additur) subijciendos consulunt.

Videntur & hi aliquantò longius progredi, quibus ego ad
vitandam majorem invidiam omnino parendum suaderem, si
ulla saltem consilio huic spes subesset: sed hanc sequentia mihi
in universum præcidunt.

Primum Iesuitas ita animatos esse certò novi, & omnia Tertij Consi-
potius moturi, omnia turbaturi sint, quàm ut splendore & exi-
stimationis illius, qua ipsorū Ordo hactenus supra reliquos Re-
ligiosorum Ordines, ipsumq; Clerum universum eminet, vel mi-
nimam jacturam subeant. Jesuita autem si ex Aula exclu-
datur, si in versando Reip. clavo non omnibus alius præpolle-
at, si à publico ita arceatur, ut claustro inclusus, alium, quàm
propriam militia sua Ducem superiorem agnoscere cogatur, si
deniq; omnium arcanorum explorandorum occasio ei adima-
tur, à summo ad infima sibi redactus videbitur, ut qui jam nil
ampli-

amplius quàm vulgaris Monachus futurus sit. Quod dedecus Gens ista non mitiori indignationis affectu avertatur, quàm si nobilis aliquis Regniq. dignitarius subito in abjectissima plebis censum de crudatur. Cælum itaq. potius ruere patientur, quàm ut hanc in se ignominiam admittant.

Esto tamen, ut hęc eos patientiores offendamus, quàm ego sperem, quæro igitur secundo loco, quibus vinculis eos constricturi simus? Certis legibus, inquires, publicisq. Constitutionibus. Benè dicis, egoq. fateor hæc iusta esse in Foro politico coercendæ libidinis media, quantumvis hætenus per illa non pro spe profecerimus.

Iesuitismi in-
clusi anceps
& periculosa
custodia. Verum hęc ulterius querere cogor, Eccui huiusmodi legum
& Constitutionum, si quæ facta erunt, executionem commen-
daturi simus? Ordinariis locorum, respondebis. Ego verò a-

gnosco ad ipsos munus hoc ex regni Legibus spectare, sed quid, si ipsi tam odiosam Provinciam recipere nolint, aut excommu-
nicationis Pontificiæ metu non ausint? Veruntamen si ve re-
cipiant, si ve repudient, ne sic quidem Reipub. securitati pro-
spicietur.

Primum enim antiqua illa disciplina Severitas apud nos hodiè multum remisit, quæ apud Romanos olim parentes de liberis, si fortè in Rempub. peccassent, supplicia sumebant: Verendumq. propterea erit, ne optimo cuiq. ex hoc Ordine, & qui alias in Rempub. rectè affectus esse, illud in hac custodia vel imprudenti accidat, quod vir ille DEI 3. Reg. 20. in historia Achabi sibi evenisse fingit, ut dum ipse aliis rebus inten-
tus esse, captivus, cuius custodiam suscepit, aufugerit.

Deinde, Experientia testatur, Ordinarios locorum hætenus magis Iesuitis parere & obnoxius esse, quàm quod hi il-
lorum auctoritatem aut jurisdictionem multum curent.

Quin

Quin imò hi pro Episcoporum Pedagogis se gerunt, quos etiam ut Aule Rom. Corineos metueret & observare coguntur. Qualem ergo coercitionem ab illis expectare poterimus?

Tertiò sic dico, quodcumq. de his omnibus fiat, nos ta-
men contra Sectam hanc Legibus nostris nil profecturos, in
quo me experientia ipsa jam erudit. Quid enim? Confœ-
deratio publica, an non Lex esse; an Constitutio esse, an
Polonorum jus esse, publicis Regis & Nobilitatis Iuramentis
sancitum & confirmatum? Sed quid per hanc eandem hæte-
nus contra hanc pestem Politicam perfecimus? An non rabies
ista per hoc efficacissimum (sic quidem maioribus nostris vide-
batur) remedium irritata potius est quàm cobibita? Quam Confœderatio
perulanti lingua styloq. satyrico livor iste hoc salutare institu-
tum incescit, deridet & exsibilat? Si tam laxum & molle ca-
pistrum Demon iste, adeò impatienter fert, quæ ratione arcti-
us duriusve quiddam feret? Cumq. hoc isti Confœderationis
publicæ Constitutioni faciant, per quam Iesuitismus propriè nō
læditur, ecquid de illis fiet, quas in perniciem suam factas re-
cordabuntur.

Et quid tandem Iesuitis nos prescribere tentabimus, cum
suis ipsimet constitutionibus, quæ contra hanc, de qua conque-
rimur, intemperiem ad speciem inter ipsosmet lata sunt, non
pareant? Anno enim superioris seculi 93. Iesuitarum superi-
ores cum animadverterent, suorum potissimum scelere, jam
fermè perditas, coacto Romæ Generali totius Ordinis Conven-
tu, statuto sanxerūt: Patres Societatis Iesu cum omni-
bus, qui Ordini illi ascripti sunt, à causis & nego-
tijs secularibus universum abstinere debere. Huic i-
gitur decreto ecquomodo hætenus inter nos paruerunt?

Sic igitur etiam contra hos tandem concludo, consultius
esse, ut tam fera bestia prorsus abdicetur, quàm ut Cavea
I
intra

intra domum inclusa, cum nostro perpetua sollicitudinis cruciatu, custodiatur.

*Morbi causa ita tollenda ut aggro e-
tiam contra
recidivam p-
spiciatur.*
Dixi autem Jesuitas non solum expellendos, sed etiam contra reditum omnia diligenter præcavenda esse. Neque enim expulsi quiescant, ut non omnem lapidem moveant, quo ipsis redire liceat, ut sic hanc vestigiis Jesuiticæ injectam maculam vicissim eluant. De quo nos Gallia admonere debet, in cujus Aula Jesuitarum absentium practica tantum potuerunt, ut cum excussi dentis in ore Regio lacuna resarciri nunquam posset, Jesuitæ tamen redamantibus, Parliamentis, & obnitente prudentissimo quoque non solum restituti sint: sed etiam Pyramis illa perpetrati sceleris aeterna index fuerit demolita.

Hoc autem inter nos hac fortassis ratione omnium rectissime præcaveditur: si primum bona illorum immobilia in alios usus, ad publicam regni, præcipue tamen Nobilitatis, cui major illorum pars detracta est, utilitatem convertantur.

Bonorum Jesuiticorum dispensatio.
Quod sic commodissime fiat, si bonis literis consultum capimus, quarum videlicet interitum plerique sibi per Jesuitarum expulsionem imaginantur, detur opera, ut ex iisdem Cracoviensi Academia de viris bonis, doctis, & in omni disciplinarum genere probe versatis extra ordinem prospiciatur: Aut si ita placet, præter hanc alia quoque inter Regnum Academia instituantur.

Deinde alibi in Regno scholæ hinc inde aperiuntur, in quibus non solum eruditis Præceptoribus honesta stipendia constituentur, sed etiam pauperibus Scholasticis, ijs nempe, qui ingenijs valent, sed propter fortune tenuitatem literarum studia commodè persequi nequeunt, de victu & sustentatione provideatur. Idque tanto majori cura, quod ex Nobilitate etiam omnibus temporibus inveniantur, qui huiusmodi studiorum subsidij opus habeant.

Et

Et hæc ego singulorum Districtuum in Regno seu Publica Gymnasia esse vellem, Quorum cura & inspectio certis ex Nobilitate utriusque Ordinis Viris & qualificatis personis commendari posset. Hoc si fieret, Inventuri nostra, quæ in spem honorum & ad Reipub. ministeria educatur, cum pietate & bonis literis, Patria Legumque Patriarum amor & reverentia à teneris implantaretur, & Reipub. de viris idoneis ad eum modum prospiceretur, ut eidem ab exterorum factionibus & insidiis minus periculi esset. Jesuitarum etiam expulsores desiderium, si quod erit, intra paucos annos prorsus evanesceret & obliteraretur.

Tertio si superesset, ut omnino superfuturum puto, publica ex eo Nosocomia instituantur pro illis, qui in bellis seu Reipub. strenuè gesserint, & vel vulneribus debilitati sint, vel per ætatem militiæ labores non amplius perferre possunt &c. ut hæc militaris virtutis quasi asyla constituentur, ubi bene meritorum & emeritorum illa non turpis senectus honestè & liberaliter sustentetur.

Cujus sanctissimi et utilissimi instituti exempla in Urbibus Belgicis me videri meminimus. Cujus etiam specimen nobis præbuit laudatissima memoriæ Rex Stephanus, quando Varsaviæ huiusmodi pro debilitatis militibus Xenodochium instituit & dotavit; Acujus tamen præclara & planè Regia voluntate & intentione nimis citò recessum est.

Nec ego video quomodo Jesuitarum bona vel sanctius vel utilius collocari queant, ita nimirum, ut quæ semel pijs usibus destinata sunt, iisdem maneat, Et ipsius interim Nobilitatis damnum, quod à Jesuitis Jesuitarumque artibus se accepisse queritur, aliquomodo resarciatur. Et sic Reip. commodis utrobique optimè consulatur.

Facta ad eum modum bonorum Jesuiticorum dispensatio.

I 2

ne,

Statutum de
Iesuitis non
revocandum.

ne, per peculiare statutum sub infamia, aut alia aliqua severa
pœna interdicti posset: Ne quis primum de revocandis aut ad-
mittendis Iesuitis ullo tempore publicè aut privatim mentio-
nem facere ausit: quemadmodum Veneros jam fecisse constat.
Ne deinceps ulla ex regno Juventus, nobilis præsertim, à
cujus saluti institutione Patria salus pendet, ad Iesuitas ex-
tra Regnum se conferat, iisdem sè disponendam committat,
Ne dum domi in expurgando Iesuitarum fermento laboramus,
illud ab extrà nobis nihil tale suspicantibus obrepas.

Typographis
frenum inji-
ciendum.

Tandem opinor diligenter provideri oportere, ne per offi-
cinas Typographicas talia in publicum spargantur, quæ præ-
senti Reipub. statui & Regni hujus libertati, quocunq; modo
auerfiantur: Qualia nimirum illa hætenus fuerunt, quæ Iesui-
ta sub modernæ Regiæ Meis regno Cracoviæ & alibi contra
confederationem publicam in vulgus ediderunt: Talia in-
quam, quæ per ipsorum iugulum reditura fuissent, si legum pub-
licarum is vigor, ea observantia in Polonia esset, qualis in be-
nè constituta Republica esse debet.

Ubi tamen vafricies ista hoc insuper dolo ut plurimum usa
est, ut hujusmodi pestilentissima scripta sub alienis certorum
videlicet Prælatorum nominibus emiserint: ut nimirum hac
ratione universum Clerum in invidiæ publicæ consortium per-
traherent, & disperso in plures facinoræ ejus vindicationem
Reipub. difficiliorem facerent.

Hac inquam ratione si in matris nostræ Reip. Polonicæ
curatione procederetur, ita ut in hujusmodi processu fororum
ejus Europæarum antegressa vestigia intentè observaremus,
tùm demum de internorum malorum medicationis successu
spem aliquam mihi imaginari & alijs etiam polliceri possem.
Sic enim peregrinissimum illum, ut ita loquar, à quo nobis non
abs re metuinus inter nos eradicatum & penitus obertum iri
confi-

considerem: Ve ipsum primum Clerum, cujus ad afficiendum
statum publicum permagnam vim esse constat, commodiorem,
& publicarum legum, sicut & Patriæ libertatis studiosiorem
simus experturi, quàm hætenus cum in rebus maximi momē-
ti experti sumus.

Deinde si in Reipub. administratione, circa res Polo-
nicas aliquid vitij apparuit, aut negligentia aliqua nota fuit
deprehensa, opinor & illud remota hac corruptela, paulatim
emendari posse & restitui, idq; citra omnem tumultum & per-
turbationem.

Tandem in ipsa etiam Aula illud factionum studium, quod
hætenus universo Senatui Reipub. valdè inimicum sumus ex-
perturi, paulatim residebit & extinguetur. Sublataq; & quasi
obstructa hac capitali diffidentia, & publica indignationis scæ-
turigine, omnes Regni partes & Ordines sub unanimi Pacis
studio denuò inter se coalescent, & sic tandem Reipublica ro-
tius Corpus pristinae sanitati restituetur.

Quandiu verò hoc negligenter agimus nostris Legibus,
Constitutionibus, Confederationibus, Cōgregationibus, nil am-
plius efficiemus. quàm ut irritato malo Reip. scissuram ampli-
ficemus, dum ignis qui ad momentum sopitus videbitur, denuò
erumpens, majorem fragorem edet.

Hæc sunt Illustrissimi Proceres, quæ in præsen-
tia de rerum nostratum statu ejusdemq; correctione
mihi in mentem venerunt, quæq; vestro potissi-
mum Iudicio subijcere volui, ut tantum valeant,
quantum à vestra prudenti censura valoris & au-
thoritatis consequentur. DEVS OPT. MAX.
à cujus Misericordia & potenti dextera Regnorum
publica salus immediatè dependet, ille sub hac fata-

si rerum mundanarum convulsione vestris hisce in
Reipub. Patriæ procuratore Conatibus pia studia
& sancta delideria suggerat., rectisque &
salutaribus Consiliis felices eventus
largiatur.

AMEN.



VPSALIÆ

Per Jacobum Olai Nielsen,

A N N O


VenetI Considerant PapaM.



111
Responsum à Rege Gallia Henrico
IV. Jesuitis Ao 94. ex Regno Gal,
hanc expositis, super ipsorum re,
prohibitione datum.

Porlegi Ego, Sacerdotes, Apologiam vestram, satis
verbosam, ac diligenter mecum perpendi, omnia,
quæ datis scilicet Innocentia vestra probanda
causâ allegastis. Quia autem negotium arduum
est, nec res iudicata temere rescindenda bre,
viter, & ut Regem decet, quid faciendum sta,
tuam exponam. Totus iam in hoc sum, ut
Regnum meum bellis civilibus attritum et
viris quibusque exhaustum, recens cum Hispa,
nô imita pace, pristino mitiori, restituam, legibus
firmam, humanitate recreem. Id quando abâ
ratione fieri non pot, nisi ut æquali Jure, et
benevolentia Catholicos et Hugonotos appella,
tos amplectar, tunc in Ecclesiasticis tunc in
politicis, accurate mihi, de vobis revocandis
cogitandum esse video. Novi ego vos viros
doctos et disertos, novi zelo Catholico et Ro,
mano doctrinae inflammatos, Novi vos
acerrimo Hugonotorum flagrare odio, novi
vos Sanctos reliquias, carcos divini Agni

arbitrarios, disparata Virgini nimirum, rosa,
rosaria, vel aliud quicquam à Pontifice
Romano consecratum devote venerari,
Cuius Honoratissimi, ut ridicula aspernantes,
ut Idololatrica execrantur. Metuo igitur,
ne vehementia, quia in concionando nisi so-
letis, et condemnationum, quas subinde pe-
ratis, atrocitate, multorum animos prorsus
pacatos deinde irascitis, atque etiam im-
prudenter turbare ita audentes sitis. Jam
ut res sunt humanae, levi aliqua occasio,
ne fieri possit, quod tamen nolui, ut
bellum inter me et Hispanum recideret.
Cuius tamen animi mihi futurum sit,
malui vos cogitare quam me dicere.
Cuius autem ante quadriennium admis-
sum fuerit, Regnum non est, vel vobis
vel aliis obiectare. Sententiam igitur se-
mel datam non muto. Vos si vere
Galli estis, magis totius Regni tranquili-
tati, quam vestrae utilitati consulatis.
Dixi, quae volui. abite, et valete. p.





Biblioteka Jagiellońska

51470013334

Ms 4152 (1)-(6)

Hist. Polon.

Miscell.

78.

